



LEBEL

1MB

THE BUILDERS COMPANY

Naunaitkutat Iluaniitut

Tuhaqidjutingit Ministamit	6
Naittumik Titiraqhimajun	8
Kangihipkaidjutit.....	11
Talvuuna Nunavunmi Igluliqijiirjuatkut Kuapariisiujuq	12
Ajuqhautit.....	18
Ihivriurniq Tikinnahuarutingit	20
Naittuq uumannga 2025 OAG Havaamut Ihivriurniq	20
Ihivriurniq Naunaiqtait	21
Ihivriurnirmut Pitqujaujut	21
Kiudjutingit uumunnga Ihivriurnirmut Pitqujaujut.....	25
Ilaumatigiingniq Tigumidjutiqaqtunun	25
Iglukhamut Hivajautaataat 1-844-413-9355 Kivgaqturnikkut Nampaa.....	26
Enterprise Hivuniqhijutinik Nutauniqhanik Havauhiujut.....	26
Auladjutikkut Atugahat hapkununga LHO-kunun.....	27
Qanuriningat Nunavumi 3000 Atulirumajaujuq	28
Parnaqutikhakkut Paannariigutikhat Havaqatigiingnikkullu	29
Qanuriliurutikhat Upalungaijautikhat.....	37
Tikinnahuarumajat 1	38
Tikinnahuarumajat 2.....	41
Tikinnahuarumajat 3.....	42
Munaridjutikharnik Aulatitiniq.....	44
Hivumuurnikkut.....	48

Titirarningit Naittumik Titirauhiujut

BCA.....	Igluqpaup Qanurininganik Naujautit
BDL	NCC Development Limited
CDO.....	Nunallaani Pivalliadjutikharnik Havakti -
CHTC	Kanadian Iglukhanut Aallanguqtirnikkut Katimavik
CMHC	Kanatam Akiliktuihimaagtun Iglungnik Igluligijirjuatkutlu
GN.....	Nunavut Kavamanga
HAF	Iglukhanut Akikhanut Tutquumavik Manikhat
IT	Qaritaujaliqidjutikkut Alrujaqtuqtukkullu
LHO.....	Nunallaani Igluliqijitkut Katimajiit (t)
MMOS.....	Ihuaqhagakhanut Munaqhitikhat Auladjutainnut Atuqtakhat
NAC	Nunavut Ukiuqtaqtumi lihaliarpaarvik
NAHSI.....	Nunavunmi Akituvallangittunik Iglukhanik Pijumalikhautit
NAM.....	Nunavunmi Katimajit Haamlatkunun
NCCD	Nunavunmi Nappaktirinirmun Kuapuriisinga
NDAP	Nunavunmi Titiqqanut Akiliqtaujuq Ikajuutikhat Pinahuarut
NHC.....	Nunavunmi Igluliqijirjuatkut Kuapuliisitkut
NTI	Nunavut Tunngavik Incorporated
OAG.....	Havagvia Maniliqijit Ihivriuqtirjuam Kanadami

OCBO Havagviat Atanilluaq Igluqpaitigut Havaktip
PRS..... Naunajainirmut Qanuriliurutingit
RSMS..... Iglut Aturningagut Akitutilangit Munarijutinik
Atuqtuq

Tuhaqtidjutingit Ministamit



Qujangijumajatka Havagviat Qaujhaqtirjuap Kanadami (OAG) havauhiitigut ihivriurutinun *Inungnut Iglukhat Nunavunmi* uvalu ihuaqtut kangiqhidjutit tunijaujut. Ilitagihimajugut taima anginiqaqtut nanminikharnik munagidjutikharnik akhuqhaidjutikhait nunalaani kiudjutikharnik naunaijaangatlu kavamangit pinahuarutit aulatitihimajut naunairutingnik Nunavunmiunut.


Nunavunmi Igluliqjiirjuat (NHC) havaktut unniudjutinik paqitamingnik akhut uvalu angiqhugit tamaita pitqujaujut. Ihivriuqhijut tajjauvaktut NHC-kut ihuaqhijuumiutikhanik qanuqtut tunihidjutikhanik inungnut iglukhainik kivgaqtuidjutikhanik, munaqhiplutik iglukhainik, imaalu unniudjutikhanik aullaninganik inungnut iglukhainik. Una *Qanuriliurutikhat Upalungaijautikhat Ihuaqhijuumiriangani Inungnut Iglukhainik Tunihijut* hapkuat nalaumajut hivitujunut hivunikhmut tautuktuujaaqtavut iglukhanut Nunavunmi. Ukua OAG paqitaujut uvalu pitquidjutikhat ihuaqtut upalungaijautivut ihuaqhijuumiriangani qanuq NHC-kut tunihijut aadjikiiktumik pijaangnirmun ihuaqtumik iglukhanik ilagiingnun attautinunlu tamaini nunallaani. Ilitugihimajaqtutlu aulaniit havaktaujut aulahimaaqtumiklu akhuurutit hakugikhijuumiriangani NHCkut ihuarniit, tautungnaqtumik, uvalu atuguminarniit. Hapkuat ihuaqhainiq ihariagijaujut piliuriami kiuttaaqtuq kiuttaaqtumiklu iglukhamut.

Uvani Ubluiqtirvia 2021, atuliqtavut una Katujjiluta Pitqujaujut turaaqhimajut ihuaqhijuumirlugit iglutigut qanuriniit Nunavunmiunun uvalu naunaijaqpiqhijumajunik atugahanik NHC-kunun qiniqhialutik nutanik qilamik amigairjuumilugit iglukhat. Talvanga, amigaitqiat 855 iglut uvalu 134 ikajuqtaujut iglut igliit iniqtaujut uvaluuniin havaktauliqtut (talvanga Ubluiqtirvia 31, 2024). Hivulirmi, iglukhat hanajauliqtut tamaini 25-ni nunagijaptingni.

Uvani 2022, haavitijugut Nunavumi 3000 – tajjaujurlu Igluliuqatigiingniq, Igluqpatlu Iglugijaujut Atautimut – ilagiariangani 3000 nutanik iglukhanik ukiuqtaqtumi tikitpat 2030. Nunavut turaaqhimajuq ikajuutikhat igluqpinirmun imaa 1,000 nutaat iglukhat nunguliqtulugu 2025, nalaumajuq hapkununga Katujjiluta Pitqujaujut. Talvuuna Nunavut 3000, NHC-kut aulatitiliqtun nuutanik nutanguqtiqhijumajuniklu pinahuarutit, nutanguqtiqhimaahugit hanaqidjutikhangit, aulatitijaangat ajuiqhautikharnik Nunalaani Igluliqjijitkut Havagviangit (LHO-kut) iglunik atuqtunik, ihuaqhaidjutikharnik iluani auladjutikhat ikajuktikhailuqtut upautikharnik, pijaangatlu hanaqidjutikharnik havaqatigiiktut aulatitijaangat amigaitunik iglukharnik atuqtakharnik Nunavunmiunut.

NHC-kut ihumagihimaarniaqtavut akhuurutivut ihuaqtumik iglukhanut ihuaqpiaktut inuuhikhanut inuuhiringnaqtumiklu, munarittiarlugillu ilagijait, iliharlutik nutanik ajuiqtakhainnik, qiniqhialuta ihuaqtumik havaakhanik, imaaluluta pitquhikkut inuuhikhanik.

Qujagijaqqut Qauhijaqtirjuap havaangit niriuktugut aulahimaaqtumik havaqatigingniq havakluta atuliriangini tamaita pitqujaujut havaktauhimajut ihuaqhijuumirlugit iglukhanik tamaini Nunavut.

A handwritten signature in black ink, appearing to be in Inuktitut syllabics, located below the second paragraph.

Naittumik Titiraqhimajun

Pidjutaa

Una *Qanuriliurutikhat Upalungaijautikhat Ihuaqhijuumiriangani Inungnun Iglukhainik Tunihijut* havaktauhimajuq kiudjutigiblugu Qiqaijaluaria 2025 havauhiinut ihivriurutit havaktaujut hapkunanga Havagvianin Qauhijaqtirjuap Kanatami (OAG). Ukua OAG-kut ihivriurutait havaktaujut qitqani Qitiqqautijuq 2022 unalu Ubluiqtirvia 2024. Qiniqhiajuq ihumaliurutigilugit Nunavunmi Igluliqjiirjuat (NHC) tunihijut Nunavunmiut aadjikiiktumik pijangnirmun ihuaqtumik inungnun iglukhainik uvalu munaridjutikhait ihuangnirit inungnun igluinun naunaijainikkut.

Naittuq Ihivriurnirmut Naunaiqtangit

Tamna ihivriurniq ihivriuqtait inungnut iglukhangit tuniqhainiq, kiuttaaqtuq piinariaaqininnga ihariagijanginik igluqaqtunut, munarininnga ihuaqhainirlu inungnut iglukhanginik, qanurittakhaniklu Nunavunmi 3000.

Ihivriuqhimmaaqtut, OAG ilitarijait pingahut akhuurutaujut naunaiqtanginik:

1. NHC-kut tunihingittut Nunavunmiut ihuaqtunik pivikhainnik ihuaqtunik inungnut iglukhainnik.
2. NHC-kut ihuaqtumik munarhimangitut qanuriniganik inungnun igluinun naunaijainikkut.
3. NHC-kut naunaiqhimangitut tuhaumajutimingnik aulaninginik atuqhutiklu akhuurutinik pivagiangani turaarvikhatik ilagani Nunavumi 3000 atulirumajaujunik.

Uqautigilugit Ihivriurnikkut Ilituqhautit uvalu Pitqujaujut

NHC-kut pihimaliqtut angijunik apluriarutinik hakugikhivaliriangani iglukhat ikajuutit ihuaqhivaaliriaganilu kiudjutit. Ihivriurmata, hapkuat qanuriliurutingit iniqtiqtaujut havaktauliqtulluuniit:

- Atuqhugit nunallaanun-pihimajut upautidjutit imaatun ilauqatigiingnikkut nunallaat ikajuutikhat ihuaqhijuumirlugit havauhiit
- Ihuaqhijuumirlugit katitiqhimajut akhuurutit haffumuuna nutaanguqtirnikkut maliguagahat uvalu pitqujaujut akiliuhianun unguvaqtaujut

- Piliuqtuq aulapkaininganik maliktakhaq ikajuriami Nunamingni Igluliqiitkut Timiqutigijangit (LHO-kut)
- Nutanguqtiquhimajut hanaqidjutikhangit maniliurutikharnik qaritaujaliqidjutikharnik
- Ihuaqhijuumirlugit kiunautit haffumuuna havauhikkut munagidjutit uvalu havauhirilluaqtanut naunaijautit
- Naunaijaqhugit havaqatigiingniq uvalu pivallianirmun pinahuarutit ihuaqtumik iglukhatigut pivallianirmun
- Nuitiqtiniga 2024-mi aulaniga unipkaaq Nunavumi 3000 hanajaunigani qanurininganik qanurlu aulaniga naunaijaqtauniganik

Naunaijaangat NHC-kut katimaqatigiliqtait havaktakhangit ilituqhaijaangat tamaita qulit atuqtakharnik talvani OAG-kut unniudjutat, NHC-kut pivalliavakhimajut Qanuriliurutikhat Upalungaijautikhat ilituqhaijaangat nalvaaqhimajainik atuqtakharniklu taima kiudjutikharnik aulajunik ajungnautigivakhimajainik ihuaqtumiklu hivunikharnik pidjutikharnik. Aturluaqtut ihuaqhautit ilaujut:

- Ihivriughugit naunaijainirmut qanuriliurutingit uvalu inungnun iglutigut uuktuutit havauhiit
- Ikajuqtuq Igluliqijitkut (LHO-kut naunaittiaqhimajunik maliktakhanik atuqtakhaniklu
- Naunaijainiq iglukhailiuqtut pidjutiqaqtut Inirnikhat inungnunlu ajungnautiqaqtunik timimingni
- Titiraqhugit piinarialgit qanuriniit inuit igluini
- Ihuaqhijuumirlugu piqutinun naunaijainiq uvalu pittailinikkut ihuaqhaidjutit
- Ihuaqhijuumirlugit ulapiqutit uvalu tuhaqtitinikkut
- Aulatitiniq malrungnik nuutanik Qaritaujaliqidjutikharnik (IT) hanaqidjutikharnik ikajuutikharnik ukuninga allanguqtiquhimajunik
- Amigairjuumirlugit tautungnaqtumik uvalu unniudjutinun Nunavunmi 3000 qanuriniit

Hapkua akhuurutit pidjutiqaqtut NHCkut akhuurutainun kiunautinun, aadjikiingnirmun, nakuutqiatigut kivgaqtuutinun Nunavunmiunun.

Malikhautikharnik auladjutikharnik uminga Qanuriliurutikhat Upalungaijautikhat, NHC-kut pivalliavakhimajut auladjutikharnik hanaqidjutikharnik auladjutikharnik tutqikhaijaangatlu iluani hanaqidjutikharnik ilituqhajaangat OAG's atuqtakharnik. Uvani Qanuriliurutikhat Upalungaijautikhat, NHC-kut titiraqhimajut atulingnikkut atugahat uvalu kiklikhait attautinun hulidjutinun. Munaridjutikhat upalungaijautikhat piliuqtauhimajuq havauhirilluaqtanut naunaijautit ikajuutikhanik angitqijanik takunaqtunik imatullu pipkarlugit NHC-kut ajurnaittumik tuhaqtitlugit aullaningat ihuaqhautikhanik pitqujauhimajunik uvani Havagviat Qaujijaqtirjuap Kanadami (OAG) unniudjutaani.

NHC-kut tuniqhimajut ihuaqhijaagani OAG-kut atuliqujainik ihuaqhivaaliriaganilu igluliqinikut ikajuutit humiliqaa Nunavumi. NHC-kut qujagijait Havagviat Qaujijaqtirjuap Kanadami (OAG) uumani anginiqaqtunut unniudjut imaalu takujumajut takupkaiplutik



naunaijautikhanik aullaninganik imaalu ihuaqhijuummiutikhanik kiunnaqtunik atuliqtappingnik Qanuriliurutikhanut Upalungaijautikhat.

Kangihipkaidjutit

Nunavunmi Igluliqiirjuat (NHC) munaqhijut pijaangini tapkua tamaita Nunavunmiun aadjikiiktumik pijaangnirmun ihuaqtunik, ihuaqtunik iglukhanik.

Pigiama una pitqujanginik aadlaittuq akhuurutaujuq Nunavunmi, talvani igluliqiitkut aadlangajuq akhuraaluk ilanganit Kanatamit. Iglukhanut pijumajainnik avatquttugit uqhurjuakhanut Naunaijajitlu Kanatami nalauttaaahimajut Nunavunmi inugiangniinit 1999-mit amigairjuuminaqtut 2043-mi. Nunavut Tunngavik Incorporated-kut (NTI) havakpaktut qaujihaiplutik 2020-mi nanijaujullu taimaa 37% inugiangniit iglukhailluqtut. Una naunaijautaa iglut pijariaqaqtut angijumik ihuaqhaidjutikhanik, ihuangitut aktilaangit, uvalu/uvaluuniin idjuhikhait akituuvallaaqtunik.

Nunavunmi iglukhait utuqanguqpaliajut imaa 60pusat inuit iglukhait havaktauhimajut tikitinagu Nunavut aviktuqhimajunguliqtuq 1999mi. Unaluttauq, utaqqijut inungnut iglukhainnik amigaigjuumijut avatqumajunik 3,000 uuktuqtut 2022mi, takunnaqtut amigaigjuumidjutikhanik atuqtakhanik. Ajurnaqtuq akiturjuaqtumit igluqpinirmut akingit, akhuraaluguaq hilaup aadlangurninga, naunaijainiq kiklikhangit, atauttimut inugiakpallaarninnga, unalu aullanganginaqtumik hulaqtit atautimungaqtitauniq.

Havauhiitigut ihivriurutit havaktaujut hapkunanga Havagvianin Ihivriuqtimin Kanatami (OAG) ihivriuqtait qanuq NHCkut munarijait iglutigut kivgaqtuutit, inungnun igluinun naunaijainikkut, ukualu inuit igluit havaktaujut hamanga Qitiqqautijujq 2022 hamunga Ubluiqtirvia 2024.

Unalluaq, ihivriurniq ihumagilluaqtait NHC-kut tuniqhaininnga pingahuujuni akhuurutaujut:


- Tuniqhaininnga aadjikutunik piinariaaqininnga ihuaqtunut inungnut iglukhanganik Nunavunmiunut
- Atan'ngujat ihuarninnga inungnun igluinun naunaijainikkut
- Aulaningat talvungat Nunavut 3000 Qanuriliurutikhat

Ukua OAG-kut iniqtiqtaat tapkua NHC-kut tunihingitut Nunavunmiunun aadjikiiktumik pijaangnirmun ihuaqtumik inungnun iglukhainik uvalu ihuaqtumik muningitait ihuangnirit inuit igluinun naunaijaidjutit Nunavunmiunun. Ukua OAG-kut paqitijut tapkua NHC-kut naunaingitut tuhaqtitinikkut qanuriniit uvalu atuqhugit ajuqhautit pijaangini turaarutait ataani Nunavunmi 3000 hanaqidjutit.

Ukua OAG-kut katimadjutikhait unniudjutit Maligaliuvingmi Nunavunmi uvani Qiqaijaluavia 26, 2025, naunaijaqhugit tamangnik auladjutikkut ajuqhautit kitullu iluani ihuaqhaidjutikhat ihariagijaujut. NHC-kut angiqtait tamaita qulit pitqujahimajut imaalu akhuuqhutik qanuriliurutikhamingnik. Una unniudjut titiraqhimajuq *Qanuriliurutikhat Upalungajautikhat Ihuaqhautikhat Inungnut Iglukhanut Tunihidjutikhanik* ihuaqhaiplutiklu NHC-kut upalungajautikhanik ihuaqhautikhanik Havagviat Qaujhaqtirjuap Kanadami (OAG) pitqujainnik.

Talvuuna Nunavunmi Igluliqijirjuatkut Kuapariisijuq

Havaktauhimajuq uvani 2000mi, NHC-kut inungnun timiujut Kavamatkunin Nunavunmi (GN) havaktauhimajut hapkunuuna Nunavunmi Maligaliqiinin imaa *Nunavunmi Igluliqijirjuatkut Maligaq*. NHC-kut naunaiqhivitaktut Maligaliuvingmi, Ministait Katimajit Nunavunmiullu talvuuna Angijuqqaq, Katimajit, unalu Minista Munariniqaqtuq Nunavunmi Igluliqijirjuatkut. Una upautikhaq pipkarniaqtaa Ministamun angiklijumirutikharnik ihuarutikharnik Kuapuraisiit ublumimun hivunirmilu pidjutikharnik Nunavunmiunut.




NHC-kut piniqtaait piliuriami, ihuaqhariami, munarigiamilu iglukhamut pinahuarutikhat tunijuq ihuaqtumik piinariaqihimaniq aadlatqiinut akitu akitujut iglukhat kitunik ilanginnut inungnutlu Nunavunmi. NHC-kut piniqtaait tunihilutik pijakhanik tamainun inungnun Nunavunmi igluqariangini tapkua ikajuutaujut aaniangnaitumik, munarittiaqtumik, ilikuuqtumik, uvalu naunaijarlugit inuuhit havaqatigiblugit nunallaat pijaangini havaklugit havauhiit tunihirmun iglukhanik Nunavunmiunun.

NHC-kut havagluaqtait ilaujut:

- Tunihiniq iglutigut kivgaqtuutinin ilaujut inungnun igluinun, havaktut iglukhait uvalu nanminiqangnikkut iglunik.

- Tunihiluni iliharnirmik, ilihaidjutinik uvalu ikajuutinik hapkununga 25nun Nunamingni Igluliqinun Katimajiit (LHO-kut) tapkua munaqhijut pinahuarutinik uvalu ihuaqhainikkut kivgaqtuqhugit NHCtkut.
- Tunihilutik nanminiqarnikkut iglunik pinahuarutinik uvalu kivgaqtutinik ilaujut ikajuutit maniliqinikkut uvalu ajungnaqtutigit ikajuutinik.

NHC-kut atan'ngujait havaqatigiiktut ihuaqhaqtauhimajut imaatut:



Katimajujut unalu Kiinaujalirinirmut Atan'ngujaqarvinga

Atanngujait kiunautiqaqtuq havauhianun NHC-kut uvalu hivuliqhuqhugit auladjutit tamaini aviktuqhimajumi. Una ilanga timiqutip munariniqaqtuq munarigiami Kuapuriisinga naunairiami ihuaqtumik tamainni hulilukaarutingit tamainni Nunavunmi, unalu uuktuutingit maliganik, naunaitkutangit qanuriliurutingillu, tuniqhaininngalu pinahuarutikhat. Munarivagaillu pivallialiurniit hivitujunik-hivituniqaqtunik parnaqutikhanik, maligakhanik, aulapkainikkullu maligutikhanik kuapuriisitkunni pidjutainnun Katimajiinnun, Minista Munarijuq NHC-kunnun, ukunungalu Ministait Katimajiinnun (Cabinet). Unaluttauq, naunaiqhijut pinahuarutikhat tunijauhijut maliqaplugit NHC-kut maniliqtuutikhakkut angirutit ukuallu Canada Mortgage and Housing Corporation (CMHC).


Aviktuqhimaniani Havagviit

NHC-kut Avikturnianni Havagviit Kinngaitmi, Arviani Iqaluktuutiamillu ikajuqpaqtait ilihaudjidjutikhanik pinahuarutikhanik kivgaqtuidjutikhaniklu nunallaanut imaalu piliurlugit avikturniinni hivulliutijakhainnik. Havaqatigiblugit LHOtkut tunihijaangini aalakiinik iglutigut pinahuarutinik uvalu kivgaqtuutinik Nunavunmiunun uvalu pijaangini ihuaqtumik atugahanik atuqtaulutik.

Nunallaani Igluliqijiit Havagviingit

NHC-kut piniaqhimajut havaqatigiplugit LHO-kut tunihiplutik inungnut havaktinullu iglukhainnik kivgaqtuidjutikhanik imaalu munaqhilutik iglukhanik amigaitilanginik tamainni avikturniinni 25-ni nunallaani. LHO-kut tunihivaktut ubluq tamaat kivgaqtuidjutikhanik pidjutiqaqtunik pinahuarutikhanut tunihidjutunik inungnut ilagiiinullu. Munaqtakhangit Nunallaami Igluliqijitkut (LHO-kut) ilaujut tunijauhijut imaalu qaujihaiplutik inungnut iglukhainnik uuktuutikhanik, munaqhilutik inungnut iglukhainnik utaqqijut, tuniuqhaiplutik inungnut iglukhanik aturlutik naunaijainirmut qanuriliurutingit, akiliqtuiplutik iglumik atuqtumit, imaalu munaqhilutik nutaniklu iglukhanik maliqaplugit NHC-kut atugakhait imaalu maliqajakhangit. Nunallaami Igluliqijitkut (LHO-kut) tunihivaktullu ihuaqtunik ihumagijakhanik nunallaani hivulliutijakhanik, iglukhailiurnikkut ihariagijajunik, aulapkaidjutikhaniklu ajuqhautajunik.

Takukhauni aaliujuni, NHC-kut Ataniqarviqaqtut ataniqarviillu munaqhijut pingahunik nunani havagviinik tapkua, taimaa, ikajuqhugit inmikuuqtut LHOtkut attautini nunallaani Nunavunmi.



LHO-kut aviktuqtaujut malrungnut aallatqiiktunut havagviujunut: tapkua havaktauhimajut Katimajiit ataani *Katimajiit Maligaq*, ukuallu piliuqtauhimajut Atanniqtuidjutit talvuuna Ministanin Pitquidjutinik taffumunga *Nunavunmi Igluliqjirjuatkut Maligaq*.


Piqaqtuq 19 LHO-kut piliuqhimajunik Katimajiinik. Hapkua nunallaani-pihimajut havagviit inmikuuqtut inmikkut timiqutingit, kitut ataniudjutiqaqtut niruaqtauhimajunik Katimajiinin. Titiraqtauhimajut naunaitkutaani ataani, igluliqjiktut iglukhainnik igluqaqtunut tamainnit nunallaanit ilaujut LHO-kut Katimajiit imaalu niruarlutik Katimajujut Katimajiit. Katimajujut Tukimuaqtujunik ihumaliuqpaktut pitqutigiquplugu LHO-kut Katimajiingit, ilangit akhuurutaujut pijunnautinga hulilukaarutingit angiqtaujuqhaq ilaujunit, unalu aadlangurninngit kitunut maliganginnut ihuaqhigiamiluuniit Katimajiingit. NHC-kut piqagitut ataniqtuijutinik LHO-kut Katimajinit ahianit pijutaujunik Munarinigagut Angiqatiriigunmi pijutiqaqtulu manikhaakhanik.

Havagviup Tunngavinga LHO-kut Katimajiingit:



Piqaqtut 6 Nunallaami Iglulijitkut (LHO-kut) piliuqtauhimajut Atanniqtuijujut (Iqaluit, Kinngait, Kugaaruk, Taloyoak, Qamanittuaq, unalu Salliq Iglulijitkut Katimajiit) atani *Nunavunmi Iglulijijirjuatkut Maligaq*. Aadjikutavjaanik Nunallaami Iglulijitkut (LHO-kut) Katimajiit, hapkuat timiqutaujut piqaqtut Katimajiujut Katimajiit piliuqhimajut nunamingni ilaujunik. Kihimi, nunallaami Iglulijitkut (LHO-kut) Atanniqtuijit Minista Munarijalik NHC-kunut munaqhijukhat tikkuqaqhilutik katimajikhanik. Aallattauq aallanganingit ukuat Nunallaami Iglulijitkut (LHO-kut) Katimajiit ukuallu NHC angiqhimajut maliganik tapkuat Katimajinut Ilajujut ukuat KHO Atan'ngujait piliuqtut hivuagu ihumajut ihuaqtunik.

Havagviup Qanurinninga LHO-kut Atanniqtuidjutait




NUNALLAANI IGLULIQIJITKUT HAVAGVIIT

- Nunallaami Igluliqijitkut (LHO-kut) aallangajut, inmikkuuktut timiqtaujut inmik Katimajiujut Katimajiit, maligatigut, naunaitkutaqaqtumik atiqarviinni, imaalu nunamingni havaktit.
- Attautit Nunallaami Igluliqijitkut (LHO-kut) atiliuqpagait Atan'ngujat Angirutaa NHC-kut akhuuqtut pinahuaqhugit nanminirijaujut pitqujauhijaujut tamainut iglukhainnik Nunavummiunut imaalu ihuaqtumik inungnun igluinun naunaijainikkut hamlatkuni.

3-Ukiuni Havaanut Upalungaijautit

NHC-kut tunihivaktut ukiuq tamaat 3-ukiuni havaanut upalungaijautikhat GN-kunut ilauplutik kavamatkut qanuriliurutikhainut imaalu kiinaujaliqinikkut upalungaijautikhat. Tadja, NHC-kut nanminirijaujut ilaujut hapkuat pinahuaqtait:

- Ajurnaitqijaujaagani Nunavumiut aturiagani NHC-kut pinahuarutikhat ikajuutiniklu amigaiqpaaliriagani iglumik atuqtuup ilaunigini, iliharnikut, ajuiqhanirmik, atulirumajaujunik ikajuqtiriigutunik, qaritaujamilu pipkaijutunik.
- Hatqiqhijaagani nutaamik ikajuutinik pipkaijutunik atuqtumik ihuaqhivaalirutauniaqtuq qanuq NHC-kut pipkainiginik pinahuarutikhanik ikajuutiniklu tamaini nunagijaujuni.
- Pihimmaarluni, aulapkailuni, ihuaqhainikkut, hanaffaarnikkut, nappaqtirnikkullu inungnun igluqpakhanik tamaani nunaptingni.
- Ihuaqhijuumirlugu havauhiit hapkua NHC-kut pinahuagutit uvalu kivgaqtuutit haffumuuna nanminiarnikkut upalungaijautit uvalu aktilaagutit, imaalu tugaaqhimajut pinahuarutit ihivriurutait.
- Ilaupkarlugit NHC-kut havaqatiit, tigumiaqtit havaktulu havaami amigaiqpaaliriagani iglukhat atuqhimaarniginik Nunavumi ilaqariagani tamaita qanuritut iglukhat, akituriarutilu niuvigauniginik igluukhanik iglunik iglunikluniit iglunik.



Ajuqhautit

Pinahuaqhugit NHC-kut pinahuaqtaa aallangajuq ajurnavjaktuq Nunavunmi, talvani igluliqiitkun nuna aallangajuq angijumik tamaanin Kanadamin. Avikturniit atuqpakhimajut ilangit ikitqijaujut iglut inuqangitut amigaitilangit Kanadami. Iglukhat pijumajait avatqutugu amigaitut Nunavunmi iglukhat havaktauhimajut hivuani Nunavut aviktuqhimajunguligtut, uvalu inugiangnirit niriuktaujut amigairlugit hamunga 2043min. Ajiuqhainiq ajungnaqtuq angijumik igluqpinikkut akiit, ulurianaqhibluni uvalu aalanguqtirlugu hilap, ihuaqhainikkut kikliqarniit, uvalu auladjutikkut inugiakpalaarniq.

Nunavutim igluliqiitkut havagvinga angijuuq atauttimut akhuurutinik pipkaidjutijuuq nakuujumik pijuuq.

Ilangit uuktuutit ilaujut:

- Nalaumajuq iglukhat niuvigauniginik angijunik manikhaqhiurutinik, inuuhirmi ilitquhirmilu ajuqhautinik ilaujaagani.

- Iglukhailliurniq ikittunik iglukhanik, inugiakpallakpallarningat, inirninguliqtut iglukhat imaalu hivitujumut utaqqivikhanik inungnut iglukhainnik tamainni nunallaani.
- Amigaiqpalianigit aalagurniginiklu inugiangnigit aalagurniginik iglukhat pijumajaujut ihuaqtunik ihuaqtuniklu igluukhanik, pivagiaganilu ihariagijaujut inulramiit inuulu.
- Akituvallarninganut nappaqtirnikkut akikhangit, havangnikkut ikinmata imaalu tamajat ajuqhautaujut unghiktuni nunallaani pillahilutik ikiarmut tariurmullu.
- Akitujut akiligahat atugait, ilaani piqangitumik ihuaqhaqhimajunik akiliffaangnikkut upalungaijautinik, kikliqarlugit NHCtkut maniliqinikkut aktilaangit pihimajaangani uvaluuniin utiqtilugu utuqanguqpaliajut iglut tamajait.
- Nunallaat inikhaqalluangitut nunallaat pivallianingmun, upalungaijarlugit nunat pivallianirmun uvalu munagiblugit tamajat hivungani iglutigut pivallianirmun.
- Auladjutikkut ajuqhautit havaktikhaqhiuriangini ajuittiaqhimajut havaktut havaakhanun pidjutiaqtut ajungnaqtumik katimadjutikhanik aalanguriangani.

Pidjutigiblugit hapkua ajuqhautit, NHC-kut akhuuqtut ihuaqhijuumirlugit inuit iglukhait tunihinirit aviktuqhimajumi amigaijuumirlugillu piinarialgit iglukhat.

Ihivriurniq Tikinnahuarutingit

Naittuq uumannga 2025 OAG Havaamut Ihivriurniq

Una 2025 OAG havauhikkut ihivriurutit havaktaujut hamanga Qitiqqautijug 1, 2022, hamunga Ubluiqtirvia 31, 2024. Tamna ihivriurniq ihumagilluaqtait htutquumajut:

- Tuniqhaininnga aadjikutanic piinariaqaqinnga ihuaqtunut inungnut iglukhanganik Nunavunmiunut
- Atan'ngujat ihuarninnga inungnun igluinun naunaijainikkut
- Aulaningat talvunga Nunavut 3000 Qanuriliurutikhat

Ukua OAG-kut ihivriurnikkut havaqatigiit ihivriuqtait uvalu ihivriuqhugit titiqat uvalu apiqhuqhugit NHC-kut havaktiit hapkunanga NHC-kunin atangujaqarviinin, aulapkaijit,

NHC-KUT HIVUNIKHALIURUTIKHAIT

- **Aadjikiiktumik Pigiaqaqtunik:** Ihuaqtumik pijaangnirit inungnun igluinun ihumaliugutaujut hapkunanga NHC-kut naunaijainirmut qanuriliurutingit, kitut hivuliqhuqtait LHOtkut tunihijaangini inungnun iglukhainik tahapkununga anginiqharmik ihariagijamingnik.
- **Ihuagijaujut Iglukhat:** Iglukhat naamajunik igluanic agitilaaganik iglumiugatiiriiniklu aturlugit Kanatami Iglumiujut Atuqtukhat (NOS) – atuinaqtut naunaipkutaujuq qafinik inungnik inikhaqalaaqtut iglugijaujunit qaffit igluangit.
- **Ihuaqtut Iglukhat:** Iglukhat tapkua pidjutiaqtut ihariagijamingnik

uvalu avikturniini havagviit, ukualu LHO-kut kivgaqtuqtut, haamlatkut havaktiit, igluqpinikkut havaqatigiit, Inuit katimajit uvalu nunallaani hivuliqhuqtut.

Ihivriurniq ilaungitut:

- Ataniqtuijut igluukhanik hunaqarniginik aalat inuit iglukhainik, ila havaktut iglukhainik
- Niurvirmirmut havaangit kaantraktillutiklu nutaanut iglukhamut nappaqtirniq
- Qanurittakhanik iglunik munariniq ihivriurnirluuniit
- Maliklugit maligahat uvalu qanuriniit kanatamin maniliqtuinikkut angirutit

- Havauhiit uvaluuniin kivgaqtuutit tunihijut hapkunanga LHO-kunin, pidjutiqangitut ataani ihivriurnikkut ataniudjutit hapkua OAG-kut

Ihivriurniq Naunaiqtait

Havagviat Qaritaujakkut Kanadaup (OAG) unniudjut naunaiqhijut hapkuninga naunaiqtauhimajut:

- **NHC-kut tunihingittut ihuaqtunik pivikhainnik ihuaqtunik inungnut iglukhainnik**
 - NHC-kut amiringitut naunajainirmut qanuriliurutingit atuqtaujunik ahivaijaagani inuit iglukhainnik kinguani NHC-kut maliruakhainnik
 - Kiklivikhaqaqtun munagidjutikharnik NHC-kutnin talvuuna aadjikiiktumik tuniqhajukharnik nunalaani iglukharnik
 - Ihumagijaugitut inuit iglukhainnik utaqijut
 - Piinariaqarniq ihariagijaujuq ihivriuqtaungittuq
- **NHC-kut ihuaqtunik munarihimagitut qanuriniganik inuit iglukhainnik naunajaidjutit**
 - Ihuangitut kangiqhidjutit auladjutit munarijaangini inungnun igluinun naunajainikkut
 - NHC amirigitut munarijaagani atugitaagani inuit iglukhainnik iniqhimajut
- **NHC-kut naunaitiagitut tuhaumajutimik aulaninganik atuqhutiklu akhuurutinik pivagiagani turaarviujut ilagani Nunavumi 3000 Atulirumajaujuni**
 - Tuhaumajutit aulaninganik Nunavumi 3000 Qanuriliurutikhat turaarvikhat nalunaqtut
 - NHC-kut atuqpaktut akhuurutinik pivagiagani inuit iglukhainnik turaarviujut ilagani Nunavumi 3000 Qanuriliurutikhat 2030-mi

Ihivriurnirmut Pitqujaujut

Una OAG unniudjut ilaujut qulit pitqujaujut tapkua ihuaqtut paqitamingnik. Naunaitkut ataani titiraqhimajut hapkua pitqujaujut uvalu ilaujut titiraqhimajut naunajautit uvani OAG-kut unniudjutini.

Nampaa.	Pitqujahimajut	Titiraqhimajut Naunaitkutait uvani OAG Unniudjutait
1	Nunavunmi Igluliqijjiirjuat munarijakhait nunallaani igluliqijit katimajiit pihimalugit tapkua maligakhat pidjutitqaqtut naunaijainirmut qanuriliurutingit maliktaujut atuliqtaulutiklu.	19
2	Nunavunmi Igluliqijjiirjuat munaqhijukhat uvalu pihimalugit naunaitkutit tamainun nuutirutit inungnun igluinun uuktuqtunun uvalu ihuaqatumik hulilutik naunaijaigumik nuutirnirmun tapkua ihuangitut, tautungnaqtut, uvaluuniin maliklugit maliruagahait.	24
3	Nunavunmi Igluliqijjiirjuat piliuqtukhat uvalu tuhaqtitilutik naunaitunik atugahanik hapkununga nunamingni igluliqijit katimajiinun ikajuutikhat ihivriurlugit uvalu hivuliulugit qitqani atuqtaujut iglunik atuqtut apiqhijut nuutirlugit uvalu nutaat uuktuqtut pijaangini tapkua inungnun igluit aadjikiiktut tunijaujut tamangnun katimajiinun.	25
4	Nunavunmi Igluliqijjiirjuatkut piliuqtukhat atuqtauraanginnaqtukhanik qanuriliurutikhanik katitirnikkut naunaijarnikkullu inungnun igluqpainnik utaqqidjutinik ilitturipkaidjutinik pipkainikkullu atuqtipkaqtaujaanginik tamainni nunallaani. Kangiqhidjutit ilaujukhat naunaijautit pijaangini inuit igluitigut ihariagijaujut, ilaujut kangiqhidjutit iningnikhanun inungnunlu pijariaqaqtut ihuaqharlugit ihuaqhaqtauhimajut.	31
5	Nunavunmi Igluliqijjiirjuat havaktukhat ihagiagijamingnik ihivriurutinik tugaaqhimalugit inirnikhat uvalu inuit inuujut ajuqhautitqaqtunun. Atuqtukhaugaluq una kangiqhidjut upalungaijariangani ihuaqhaqtauhimajut tadjamin inungnun igluinun; upalugaijaut hivunikhami hanajaagani, humilu inikhaqariagani; uvalu pihimalugit hapkua iglut nuutiqtaujut ihuaqatumik.	35

Nampaa.	Pitqujahimajut	Titiraqhimajut Naunaitkutait uvani OAG Unniudjutait
6	Nunavunmi Igluliqjiirjuatkit ihumaliuqtukhat kitut inuit iglukhait pijaangini pijaarnirit ihariagijaujut inirnikhat uvalu inuit ajuqhautiqagtut uvalu ilaupkaqtakhait hapkua kangiqhidjutit naunaijainikkut auladjutit.	36
7	Nunavunmi Igluliqjiirjuat pijukhat tapkua nutaat cloud-pihimajut auladjutit atuliqtaujut ilaujut tamatkiumajut uvalu ilaliutihimajut kangiqhidjutit inungnun igluinun naunaijainikkut pijaangini ihuaqtumik munagidjutinik inungnun igluinun uvalu kangiqhidjutiqaqtunik ihumaliugutinun.	45
8	Nunavunmi Igluliqjiirjuat akhuurutiqagtukhat pijakhanik nunamingni igluliqjiit katimajiit tunihilutik ukiumi upalungaijautinik uvalu katimanikkut-ukiumi qanuriniit unniudjutit. Ihivriutakharaluangit hapkuat ukiumi ihumaliurutingit unalu qaffinik ukiunik qanurittakhanik naunaipkainiq inmingnut.	54
9	Nunavunmi Igluliqjiirjuat munarijakhait, titirarlugillu munaridjutait, pittailidjutinun ihuaqhaidjutit tamaini aviktuqhimajumi, ilaujut iglut qanuriniit ihivriurutit, uqungniq, uunarnialu naamakhijut, pijaangini tapkua iglut ihuaqtumik munarijaulutik.	55
10	<p>Nunavunmi Igluliqjiirjuatkit naunaitumik inungnunlu unniudjutat auladjutikharnik talvuuna nunalaani iglukharnik napaqtirutikharnik atuqtakharnik talvani Nunavut 3000 hanaqidjutikharnik qakungugaikpan. Una aulaniqat unniudjutit titiraqtaujukhat:</p> <ul style="list-style-type: none"> • qanuq naunaijaqtaaqtuq qanuriniit • qaffiit igluut aulaqtiriaqtut ukiumi amigainiginilu aulanigit iniqtiriagani • qaffiuniit iniqtaujut iglut ukiumi 	65

Nampaa.	Pitqujahimajut	Titiraqhimajut Naunaitkutait uvani OAG Unniudjutait
	<ul style="list-style-type: none"> tungavikhaa qujaginaq hivungani ihuaqhaidjutit qaffiuniit inuit iglukhait havaktaujukhat attautini nunallaani 	

Kiudjutingit uumunnga Ihivriurnirmut Pitqujaujut

NHC-kut angiqtaik tamaita qulit pitqujauhijaujut uvani Havagviat Qaujijahqirjuap Kanadami (OAG) unniudjut imaalu akhuuqtut ihuaqhautikhanik ihivriuhidjutikhanik naunaiqtauhimajut. Qanuriliurutikhat Upalungaijautikhat piliuqtauhimajuq naunaittumik NHC-kut uuktuutikhainik kiudjutikhat tadjaj ajuqhautauvaktunut kihimi ihuaqtumiklu hivunirmi ihariagijainut. NHC-kut atuliqhimajut apluriarutinik ikajuriagani ihuaqhivaaliriagani inuit iglukhainik pipkaijutinik, pivaaliriaganilu ikajuutit pipkainigit nunagijaujuni, nutaaguqtiriagani maliruakhat LHO-kunut, ihuaqhivaaliriagani tuhaumajutit, atuqtitijaagani nutaaguqtiqhimajunik havauhirnik, pivalianiginiklu atulirumajajunik ikajuqtiigutinik.

Ilauatigiingniq Tigumidjutiquaqtunun

NHC-kut havaktitiliqtut nunamingni pijutiqaqtumik pigiarunmik ihuaqhivaaliriagani inuit iglukhainik pipkainiginik ukiuqtaqtumi.



NHC-kut havaqatigivaktait tigumiaqtiujut, ilaujut Nunavut Tunngavik Incorporated, Avikturniinni Inuit Katimajit, Avikturniinni Havagviit, Nunallaami Iglulijitkut (LHO-kut) Iglulijitkut (LHO-kut) Katimajit naunaiqhinahuaqhutik ajuqhautaujut tadjaj kavamaliqinikkut atuqtakhanik. Hapkuat tigumidjutiquaqtut ilitagijaujut tapkuat angijut ajuqhautit atuqtaujut tadjamin atugahani, uvalu ihuaqhaidjutikhat pijakhat uqautigijaangani Nunavunmi iglutigut ikitpalaat. Piquaqtuq

aalakiinik qanuginiik huuq tigumidjutiquaqtut mihigimajut tapkuat ajuqhautit atuqtaujut, ilaujut:

- Piqualluanginmat aktikkulaanganik LHO-kunni, havaktuq (tajualluaqtunut havaakhat).
- Piqualluangittuq manikharnirmik, piqualluangittuniklu uqaqatigiingniq unalu munarininnga ukunanit NHC-kut LHO-tlu.
- Ihuittumik pijut ukunanit Nunallaami Iglulijitkut (e.g., naunaiqhitikhat, kiinaujaliqinirmut titiqqat).
- Ahiniitut maniliqinikut ihumagijaugituniklu pigiarutinik.

Tigumiaqtuuqataujut pitqujaillu hapkuat ihuaqhaidjutikhat iliuraqtauttaqtuq iluani ittut nutaq pijunnautinga uuktuutimik:

- Ihuaqtumik unniudjutit uvalu havaktiinut angirutigikhimajangi hapkununga LHOtkunun.
- Amigaitqijanik ajuiqhanikut atuqtakhanik munarinigagut ataniujut LHO-lu.
- Amigairjuumirlugit havaqatigiingniq qitqani LHO-kut (imaa amigairlugit katimadjutit uvalu pijakhat havaqatigiingnirmun).

Amigaitut hapkua pitqujaujut ihuaqtut paqitamingnik hapkua OAG-kut. Taimaalu, NHC-kut aullaqtiriliqtut uukturutikhanik atuliriangini hapkuat tadja Qanuriliurutikhat Upalungaijautikhat.

Iglukhamut Hivajautaat 1-844-413-9355 Kivgaqturnikkut Nampaa

Uvani Qiqaijalirvia 2024, NHC-kut aularutijut nutaamik akiitumik kivgaqtuutunik napaanik tunihijaangini nakuutqiamik pijaangnirmun kangiqhidjutunik iglutigut pinahuarutinun, LHOkut auladjutait, ukualu havaktit iglukhait. Una ikajuutikhaq ikajuutiginiyaqtuq hivajaqtunik nalvaaqhijaangat ihuaqtumik inungnik ikajuutikharnik igluiliurnikkut apiqutingnik hanaqidjutikharnikluuniit. Kangiqhidjutit havaktauhimajut pijaangini qilamik uvalu ihuaqtumik kiudjutunik attautinun apiqhuutinun uvalu ihumaaluutinun mikhaagun iglutigut pinahuarutit uvalu kivgaqtuutit. Taimaa hivulliqpaaq hitamat tatqiqhiutit angmaqtirutinganik, nalrujuq pijait 83 hivajaqtut apiqhuutimik.

Enterprise Hivunihijutunik Nutaunihhanik Havauhiujut

Ikajugianganik anginirmik ihuaqhaidjutikharnik angiklijumirutikharnik havakhimaaqtunik munagidjutikharnik, NHC-kut aulatitiliqtun malrungnik nanminiaqqtunik-tamainun naunairutikharnik qaritaujaliqidjutikharnik hanaqidjutingnik, taima ilituqhainiaqtun naunaitunik maniliqidjutikharnik atuqtakharnik.

Munariit Auladjutait atuqtauniaqtut munarijaangani atuqtait NHC-kut inungnun igluinun naunaijainikkut. Una cloud-tunnganiyaqtuq piqutini aulapkainikkut pidjuti atauttimun katitqihimajun ilitturipkaidjutunik pittaarnikkut, iglumun qanurinninginni naunaijautainni, ihuaqhainikkut hulinirnik, akiliqtuinikkut qanurinningani, piqutinilu akiinnik. Tamna ilihairutikhaq ajungnaitumik naunaijaijaangat iglukharnik pigiaqaqtunik nanminigijainiklu atuqtakharnik, pijaangat NHC-kut ihuaqtumik upautijaangat pidjutikharnik aulahimajunik igluqaqtunik, utaqiuqtunik inungnik, nuutaniklu uuktuqtunik. Uqaqtijaangat ihuaqtumik nuutirutikharnik talvunga Ihuaqhailiqijunik Munagidjutikharnik Hanaqidjutikharnik, NHC-kut aulatitinaqtun ikajuutikharnik tukhidjutikharnik pittailiqinikkut ihuaqhaidjutikharnik ajuiqhautikharnik avatingni tamaini 25 nunalaani 12 tatqiqhiutini.

Tugliq auladjut una cloud-pihimajuq nanminiqagtut-tamainun Nanminiqtigut Munagidjutikkut Auladjutit tapkua ihuaqhijuumirutiniaqtut titiqiqinikkut inungnun igluinun atuqtaujunun uvalu hivungani iglunik atuqtut. Una nutaaq piqutinik munarinigagut tungaviujuq qitqani naunaipkutit atukafuutilu, iglunik atuqtut hivuniqhijutinik, inuit iglukhainik utaqijut, inugiakpalaarniginik, ikajuutauniaqtulu amigaiqpaaliriagani ajikiingniginik iglukhat tunijauniginik humiliqaa 25-ni nunagijaujuni. Una nutaaq auladjut, NHC-kut nakuutqiamik ikajuqtaaqut uvalu maligahat LHO-kut imaa ihagiahuktut pijaangnirmun qitqani naunaijautit uvalu nutaat Uuktuqtut uvalu Iglumiujut Qaritaujakkurvikhat. Hapkua ikajuutit ajungnaitqijauniaqtut uuktuqtunun uukturiangini uvalu, tahapkununga nutauiqtunun, qinirlugit qanuginiit uvalu kangiqhimablugit, ikajuqhugit ihuaqhijuumirlugit tamangnik kivgaqtuutikkut tunihiniq uvalu tuhaqtitinikkut. Una Piqutinik Munarijutinik Atuuqtuq atulirniaqturlu avatqumajumik 18 hamunga 24t tatqiqhiutini, aulagtiriarluni Taaqhivalirvia 2025-mi, ilagiarniaqurlu Ihuaqhagakanut Munarijutinik Atuuqtumik

Atautikkut, hapkuat qanuriliurutit nutaanguqtirniaqtait NHC-kut aulapkaidjutait, pimmarikharnikkut iglukhailliurnikkut utaqqinikkullu munarinirnik, ikajurlunilu aajjikkiingniqaqtunik havagutinik tuniuqhaidjutikhanik tamaani nunaptingni.

Auladjutikkut Atugahat hapkununga LHO-kunun

Naunairiami LHO-kut ikajuqtaujut, NHC-kut piliuqtut Aulapkaidjutikhanut Maliktakhamik tamainut Nunallaami Iglulijitkut (LHO-kut) aturnikhanut ilaudjutikhanik titiqqanik tadjaa NHC-kut Nunamingni Iglukhanut Atugakhaq Havauhikhat. Una makpiraaq ikajuutauniaqtuq LHO-kut ihuaqhautikhanik imaalu nakuuktumik atuqtakhamingnik naunaitkutikhanik atuqtakhamingnik. Nunallaami Iglulijitkut (LHO-kut) qiniqhiattaqtut talvuuna titiqqakkut qaritaujakkut aturlutik tainiinnik qiniqhialutik kiudjutikhanik ihumagijaujunik.

Una makpiraaq uqautauvaktuq LHO-kunnun April 2024mi pihimajurlu inuunikkut titirarmik naunaijahimajuq aviktuqhimanirmi havaktakhanik hivulliutijaujukhanik havaqatigiplugin LHO-kut ikajurlugillu aajjikkiingniqaqtunik tuniuqhainiq pinahuarutinik nalaumajuq ihuaqtunik aturutinik havagutinik.

Tamna makpiraaq ilaliutijuq hapkuat akhuurutaajut titiraqhimajut:

- Ukpigijait, Ukpigijait uvalu Itquumanikkut Munagidjutit
- Hivuliqtiudjutikhanik Munaqidjutikhaniklu LHO-kut
- Havagviup Ihumaliurniq
- Havaktulijijitkut (HR)
- Maniliqinirmut, Kiinaujaliqinirmut unalu Ihivriurniq Upalungaijarniq

- Niuvirniq tamajakhanginiklu Naunaijainiq
- Auladjutikhanut: Ihuaqhaidjutit, Qajangnautikkut, Igluqpait halumaqhijitlu
- Auladjutinun Iglunik Atuqtunun Havaqatigiit, Havaktit Iglukhainik, Iglunik Atuqtut (Katimajiit

NHC-kut nutaanguqtirumaniaqtaat hamna titiqqat hivulliutijakhat imaalu maliqajakhangit aallanguqpalliajut ikajuutikhainnik LHO-kut.

Qanuriningat Nunavumi 3000 Atulirumajaujuq

Imaruqtirvia 2025, NHC-kut tunihihimajut *Igluqpait Atauttimut Igluliuqatigiingniq 2024 Qanurininganik Unniudjutit* tunihilutik nutaanguqtihimajunik Nunavunmi 3000 hanaqidjutinik. Tamna unniudjut naunaiqtaa igluqpiliurnirmut naunaiqkainiq hulilukaarutinginik hivulliqpaamit ublumimut, akhuurutaujut hulilukaarutingit pipkaidjutigijait iglukhamut pivallianiq Nunavunmi, naunaitturlu qanurittakhanik inungnut iglukhanginik – unalu manikharnirmut naunaitkutaq qaffiujutlu iglukhat iniqtiqtaujut tadjalu piliqtut.



Tamna unniudjut naunaiqtaalu angiklijuumirninnga Nunavuutim igluqpiliurniq hanalirijiit havagvinga. Naunairutiqaqtuq hanaqidjutikharnik havaqatigiiktut katimajiinun taimaitunik Nunavunmi Napaqtirutikharnik Kuapuraisingit Pivalliadjutikharnik (NCCD), Nunavunmi Ilihariaqpaallirvik, Birchcliff Development, Pewapun Nappaktirinikkut Ukiuktaqtunilu Havaaqhangit Havagviangit. Hapkuat havaqatigiiktut ikajuqpaktut ilihaujplutik hanajikhanik ajuiqhavikhainnik aihimatillutik nunamingni. Tamaat Auladjutikhaq Unniudjut, *Igluqpait Atauttimut – Irluliuqatigiingniq Qanuriniit Unniudjutit* hailijuq [NHC-kut qaritaujakkuurutaani](#).

Talvanga aulauqtirviangani 6th Maligaliurvingmi Hikutirvia 2021-mi, NHC-kut ilaujut kihitauhimajut tamaita nutaat iglukhat, iniqtaukpata imaaluuniit ataani nappaqtiqtauhimajut, tamainni iglukhat aullaranginnaqtumik, nappaqtiqtaukpata NHC-kunit, nanminiaqtut havagviinnit, maniliurahuangittut, inungnut, Inuit timiqutingit, imaaluuniit aallat kavamatkut. NHC-kut pinahuarutikhat imaittut NDAP ukuallu NAHSI piliuqtauhimajut akhuuqhaidjutikhanik ihuaqhautikhainnik ikajuutikhainnik inungnut iglukhanut pinahuaruti.

Naunaijariangani qanuriniit Nunavunmi 3000, NHC-kut atuqtait:

- Naunaiqtauhimajut ukiuq tamaat naunaitkutit Havagvianit Atanilluaq Igluqpaitigut Havaktimit (OCBO),
- Igluqpaup laisikhat naunaitkutit iglunut hanajaujunut, unalu
- Inuqarniginik pijunautit naunaipkutit iniqhijaagani iglukhat.

Talvanga OCBO's Ubluiqtirvia 2024 unniudjutait, 855 nutaat iglukhat iniqtaujut, uvaluuniin havaktauliqtut, aularutaanin haffuma aulagutaanin 6th Maligaliurvik. Imaalu, ilaliutihimajut 134 ikajuutiqaqtut iglutigut imikhait iniqtaujut uvaluuniin pivalliajut. Una pidjutijuq imaakiaq 98%mik uvani Katujjiluta Pitquidjutini turaangadjutaani imaatun 1,000 iglukhanik. Hivumut qiniqhuni, pihimajut NHC-kut upalungaijaqhimajut havaklugit uvalu ihumagijait nunallaanin igluqpijunin, itqungniaqhimajut 200 ilaliutihimajut igluqpait laisit niriuktaujut uvani 2025mi. Una attautimuktitiniyaqtuq attautimun qaffiuniit iglut iniqtaujut, uvaluuniin ataani igluqpinikkut, naamavjaktuq 1,189, uvaluuniin 40 pusat tamaini Nunavunmi 3000 turaaqhimajut imaa 3,000 iglut tikitpat Ubluiqtirvia 2030.

Parnaqutikhakut Paannariigutikhat Havaqatigiingnikkullu

NHC-kut akhuuqhutik pipkaivlutik nutanik havaqatiriigutinik hakugikhivaaliriaganilu taja ikajuqteriigutit upitpagiaganilu ilaujut nunagijaujunilu kajumiktumik igluukhanik pivalianirmik agiklivaaliriaganilu aturiagani ihuaqtunik iglukhanik humiliqaa ukiuqtaqtumi. Hapkaa akhuurutit pijaangini Nunavunmiun tunijaujut angitqiamik ikajuutinik uvalu ihuaqhijuumirlugit pijaangnirit inungnun igluinun.

Aturahuaqtitnininut nutanguqtirni katutjiqatigitlu, NHC-kut katimapkaijut nunatagaujumi-tamaini Iglukhanut Katimarjuarnit 2023-mi 2025-milu, katipkaqhugit piqataujut qinirninut ihuaqhautit atuqpalianinut iglukhat nunatagaujumi.

Hivuliq Igluliqinikut Katimarjuarniq atuqhimajut Imaruqtirvia 2023-mi, ilauhimajuq avatqumajunik 200 ilaujunit, pivaliajulu, nunagijaujumi igluliqinikut timiujunit, kivgaqtuqtit kavamanit havagviujunit, Inuit Katimajiinit, ilituqhajit, LHO-kunit hamliujunilu. Tamna hulilukaarutikhaq tunihimaarniaqtuq hanaqidjutikharnik ilaujunit havaqatigiiktut ihumagijainik iglukharnik Nunavunmi aulatitijaangatlu katitirutikharnik aulatitijaangat iglukharnik. Una 2025 Iglukhanut Katimadjutaat aullaranginnaqtumik, katimaplutik avatqumajunik 300 tigumiaqtuijut, atugakhaliuqtit, imaalu nunamingni ilaujut ihuaqhautikhanik avikturiani iglukhanut ajuqhautaujunik. Una katimajuarut naunairutiqaqtuq nappaanik ublurnik ajuiqhautikharnik LHO-kut ilaujukharnik ihumagijauniaqtun ikajuutikharnik auladjutikharnik ajuiqhautikharnik.

Hapkuat titiraqhimaningna naunaiqtaa akhuurutaujut havaqatigiingniq havaqatigiingnirilu NHC-kut piluqtut taimaa qaffinik ukiunik.

Nunallaani Igluliqijiit Havagviingit

NHC-kut pipkaivaktut inuit iglukhainik ikajuutinik humiliqaa ukiuqtaqtumi qanitumik ikajuqtiriigutinik LHO-kulu. Nunallaami Igluliqijitkut (LHO-kut) inmikkut, nunallaani-ittut timiqutaujut nanminirijamingnik kavamaliqidjutikhanut, havaktikhaqhiurnikkut, imaalu kiinaujaliqinikkut atuqtakhainnik. Talvuuna Atangujat Angirutikhangit, LHO-kut havakhimaanginaqtun qitqaniitunik havaktaujukharnik aulatitijaangat igluiliurnikkut ikajuutikharnik — taimaitunik iglunik atuqtunik itiqtiqhimajunik, iglungnik atuqtaujukharnik katitiqhimajunik, ihuaqhaidjutikharnik, iglungniklu tunijaujukharnik — nallaumanikkut NHC-kut atugakhangit atuqtakharniklu. Nunallaami Igluliqijitkut (LHO-kut) maligatigut kivgaqtuijut NHC-kunit, kivgaqtuivaktut ihariagijaukpiktunik havaqatigiiktunik nunallaani-ittunik tunihidjutikhanik iglukhainnik pinahuarutikhanik tamainni 25-ni Nunavunmi nunallaani.

NHC-kut ukpirijaat atuqpiartuq havat tapkuat Qulliq Hapummitjut Atujuijut Aulaniqatiariit (LHO-kut) havarijai ikajuqturniNut Nunavunmiut pinahuarnilu hakugikhivallirni tahapkuat katutjiqatigit atuqhugit ihuaqhivallirni tuhaumatjutit, havaqatigingnit, ajugitatlu-pivallirni. Hivuliqhuqtaujut uqautaujunin tigumidjutiqaqtunin uvalu Havagvianin Qauhijaqtirjuap, NHC-kut havaktait ihuaqtumik atugahanik ihuaqhijuumiriangani ikajuutit hapkununga LHOtkunun — imaa tunihijut aadjikiiktumik ikajuutikhanik (imaa Auladjutikkut Atugahaq), amigairjuumilugit ilihaidjutit pijakhat, uvalu ihuaqhijuumirlugit ihuaqhaidjutit. Hapkua akhuurutit pidjutiqaqtut havaqatigiingnikkut akhuugutit ihuaqtumik, kiunautiqaqtunun, uvalu nunallaanun kangiqhidjutiqaqtunik iglutigut kivgaqtuutinik.

Nunavunmi Nappaktirinirmun Kuapuriisinga

NHC-kut piqaqtut 10- ukiuni ikajuqtiriigutinik NCCD-kulu uvuuna Naunaijattiaqhimajuq Iglukhainik Angiqatiriigunmik pipkaijaagani inuit iglukhainik ukiuqtaqtumi. Una havaqatigiingniq piliuqhimajuq ikajuriami maniliurutikhat,havagvingmi pivalliani, ihuaqhigiamilu iglukhangit tuniqhaininnganik. Ukiuq tamaat, Ukiuq Tamaat Tuniuqhaidjutikhat Niuvirnikkullu Angirutit aivadjutigijaujut naunaijariami akinga, humi ittuq igluqpiliurnirlu tikinnahuaqtagit iglukhamut havauhikhat nunallaani. Tamna angirutikhaq havakhimajuq ikiklijumirutikharnik akiklilaarutikharnik akikhangit avatqudjutikhangit naunaitkutikhangitlu kingunaqtitiniaqtun aulahimajut talvuuna pitquhiliqinikkut



igluqpakharnik auladjutikharnik taima tamainik havaqatigiiktut ajungnautiqagtunik, ilaujukharnik hanaqidjutikharnik, uuktugianganik ihuaqtumik atuqtakharnik pijaangatlu anginirmik atuqtakharnik.

Hivulirni malruk ukiuk hapkununga Iligiingnikkut Angigutit, NCCD aituqtauvakhimajuq 316 iglukharnik (inungnun havaktuniklu) taima atautimiitun kaantulaangit akiqaqtunik taima \$239M, tikiutijaangat tamainun 25ni nunalaani Nunavunmi. Hapkununga 316 iglut, 296 inuit iglukhait.

Una havaqatigiikhutik hakugikhijuumirutijut Nunavunmi igluqpinikkut havagviit, havaklugit havaakhat pijakhat, ilihaidjutit apqutikhait, uvalu maniliungnikkut ihuangnikhait Nunavunmiunun. Ilagijaani tuniqhimajutimik NCCD-kut pipkaivaktut ajuruirutinik ajuiqhajutinik atuni ukiumi nunagijaujuni hanajaunigani igluukhanik. Atuqtilugu hivuliit pingahut ukiut Nunavunmi 3000, 134 ilihaidjutit pijakhat havaktaujut Inuinnarnun. Ublumimut, 75 ajuiqhaqtut iniqhihimajut ilihaqtakhamik imaalu imatut 46 tahapkuat pihimajut havaakhaq NCCD-kunni.

Birchcliff Development LTD

2025-mi, Birchcliff Development Ltd. (BDL) havaqatigiplugit NHC-kut iniqhijut hanajauniganik 24 nutanik akituvalaagitunik iglukhanik Iqalungni akituniqaqtunik \$12.8-miliatalamik (qanituani %585 atuni kikkariktuq itigak). BDL hakugiktumik ihumagijaqaqhimajut ajuiqhanirmik havaliriaganilu Inuinarnik, aturniqaqtuq qanuriliniganik uuma havaami. Una havaaqhaq havakhimajuq talvuuna Qiqajjalirvia 2023 Nunavunmi Iglukhangit Auladjutikharnik Akigaktuijunik, katimapkaivakhimajut NHC-kunit.

Uvani Imaruqtirvia 2025, NHCkut atiliuqtaat igluqpinikkut angirutit hapkununga 46 nutaat iglukhat Iqalungni (amigaitut inuit havaktillu iglukhait) akiit naamavjaktuq \$24.9 miliataala (uvaluuniin \$560 attauhiq kikkariktuq). Hapkua iglut ikajuutauniaqtut uqautigijaangani akhut iglukhat ikitpalaat nunalipaujami.

Nunavunmi Ilihariaqpaallirvik ukiuqtaqtumilu Amigaittuni Havaakhat

2025-mi, NHC-kut tuhaqtitijut ikajuqtiriigutinik Ukiuqtaqtumi Fresh-nik Havaanik (AFP) pipkaijaagani hivulirmik igluukhamik hulijutaujumik atautimuktihimajut nutanik iglukhanik hanajutinik ajuiqhanirmik Nunavumiunut. Haffumuuna havaqatigiingnikkut, NHCkut turaaqhimajut amigairjuumilugit inuit iglukhait Igloodikmi napaqtirinirmun pingahunik nutanik iglukhanik, kihimi havaklugit nunamingni aktilaangitigut imaa ikajuqhugit ilihaqtut-hivuliqhuqtut havaklugit atugahat havaqatigiblugit ukua Nunavunmi Ilihariaqpaallirvik (NAC). Ilaliutiblugit AFP's igluqpinikkut munagidjutikkut ajuittiaqhimajut hapkununga NACkut "Nailiqtaait!" hananikkut ilihaidjutit uktulihaaqtaq pinahuarutit,

pinahuarutit tunihiniaqtut ihuaqtunik, nunallaanun-pihimajut ilihaidjutit atuqhimajait 20min 30mun ilaujunun. Una allaujuq aulavikhanga hanajjiujukharnik naunairutiqaqtuq havakhimaaqhutik ajuiqhautikharnik ajuiqhaqtukharniklu, ikajugianganik ikiklijumirutikharnik atuqtakharnik hivugaani tingmijunik havaktunik, akhuqhaidjutikharnik Nunavutim ajuittiagiikhimajunik havaktukharnik, ikajuutikharniklu hivutunirmik iglukharnik auladjutikharnik nunaptingni. Havaqatigiit pidjutiqaqtut NHC-kut angiriirutait nutanik, havaqatigiingniikkut upautidjutit iglutigut pivallianirmun tapkua hakugikhijuumirutijut nunallaanun uqautigitiklugit qilamiurnikkut iglutigut ihariagijaujut.

Nunavunmi Ilihariaqpaallirvik ukuallu Pewapun Nappaqtirijut

Havaqatigiiklutik ukuat NAC ukuallu Pewapun Construction piniaqhimajuq nappaqtirutikhanik akiturjuummiqtunik iglukhanik Nunavunmi, tunihijut havakhutik hanajini ajuiqharvikhanik NAC-kuni ilihagtunut, imaalu piliuqhutik havaakhanik apqutikhanik inulrammirnut.

Hivulliqpaamik havaakhamik Kangirlinirmi iniqtauniaqtuq aujami/ukiakhami 2025mi imaalu pipkakhugit 20 NAC ilihagtut hanalutik pingahunik malrungnik (siksiniq iglunuk) hivunirmi ilihagtut iglukhainik atuqhutik hanajakhanik atuqtakhanik tunijauhimajut Pewapun-kunit. NHC-kut tunihivaktut nunamik munaqhiplutiklu qanurinnikhanik imaalu nappaqtirnirmik, NAC-kut tamajainnik ilihagtut, ilihajit imaalu ihuaqhaiplutik ajuiqhavikhainnik.

Kitikmeot Inuit Ktimajiit

2024-mi, NHC-kut, Qitirmiunilu Inuit Katudjiqatigiit haavitijut Nunavumi Apqutikhanik Nanminik Iglunik Havaamik pipkaijaagani hitamanik tikuaqtaujunik qatangutiriit aturiagani iglumik ilautlugit maniliqinikut uqauhiliqinikut nanminiklu nanminik igluqariagani ajuruirutunik ajuiqhajutunik havaami. NHC-kut nanminirijait hitamat katuhiqhimajut Iqaluktuutiami atuqtauliqtut hivulliqpaamik imaalu akikhainnik nanminiqarumajut iglukhamingnik ajuiqhavikhainnik akiliqtaujut talvuuna Naunaitkut Angiqatigiingnirmut Nalunaitkutingit (MOU) ukuallu Kitikmeot Inuit Katimajiit.

Iniqata pinahuaruti, pittaaqtut ilaujut pijakhaqaqtut niuvvirlutik aimavingmingnik, ikajuqtaulutik aittuutimik imaatut \$30,000.

Nappaqtiinariaqihimajut Iglukhat

Uvani 2023-24, NHC-kut ikajuqtiiriqatiriigutit Sakku Innovative\ Hanajutunik Ihuaqhajutunik hanajaagani iliurariaganilu 22-nik inuit iglukhainik atuniitunik humiliqaa 11-ni nunagijaujuni. 2024-25-mi, NHC-kut havaqatigivaktait RCM-kut Katimajiit tunihiplutik 34-nik iglukhanik 15-ni nunallaani. Tamna havaaqhaq ikajuutigivakhimajuq

auladjutikharnik iglukharnik napaqtirutikharnik amigairjumiqtitijaangatlu Inuit ilaujukharnik talvani nunalaani igluliqijunik auladjutikharnik. 2025-mi, NHC-kut maniliuqpaqtut qanituani 40-miliatalamik hanajaunigani pipkaijaagani 54-nik nutanik iglukhanik (akituvalaagitunik inuit havaktulu iglukhainik) ukiuqtaqtumi. Ukuat nuutaangujut iglukhat aulaniaqtun qullinik nunalaani: Arviat, Qamanittuaq, Iqaluktuuttiaq, Uqhuqtuuq, Kangirliniq, Kugaaruk, Iglulik, Kangiqtugaapik, Taloyoak, Ausuitturlu.

Agnico Eagle Mines Limited

2025-mi, NHC-kut Agnico Eagle Mines Limited (Agnico Eagle) sainiqtaa atauhirmik ukiumik MOU atuqtitaagani atulirumajaujunik ihuaqtunik. Agnico Eagle akilirniaqtait akiit imakut uhidjutit akiit naamavjaktuq \$2M 20 nutaat iglukhat, kitut NHC-kut niuvingniaqtut uvalu tunijaulutik hapkunanga Agnico Eagle Kangiqlinirmi Qamanittuamilu.

Ikajuqtaujut Igluliqiitkut Hulilukaarutingit / Kanatami Igluliqiitkut Aadlangurniq Havagvik

Ikajuqtaujut Igluliqiitkut Havaqatigiitkut Katimajiingit havaqatigiikhutik havauhikhaq ikhivautaqatigijaa NHC-kunnit unalu Inulirijikkut, Munaqhilirijiitkut unalu Maligaliqijikkut. Pijutaujuq ilagiariagani iglukhat atuqtakhanik pivalianigani ikajuutinik nuuniginiklu iglukhat, atuqtilugit havaqatiriigutit kavamani havagviujunit Inuilu timigijaini ihuaqhijaagani ajikutaqagitut ihariagijaujut Nunavumiut, ukunaniluaq ihumalungnaqtunik ikajuqtiriinik.

Uvani Hikutirvia 2024, NHCtkut havaktait Ikajuqtaujut Iglutigut Akitujut Pinahuarutit, tunihijut pijaaqtukhanik havaakhanik imaa \$150,000 attauhiq akiliruminaqtunik iglukhamik uvaluuniin \$100,000 attauhiq igluaq iglukhaq ikajuqtaujukhaq iglukhanik pivallianirmun. Mangit tunijaujut haffumuuna atukanun mikiniqhamun qulinik ukiunik.

2023-mi, NHC-kut ihuaqhaihimajut ikajuqtiriigutunik Kanatami Igluliqinikut Nuuniginik Havagvik (CHTC) hakugikhivaaliriagani ikajuqturiaganilu Nunavumi manikhaqhiugitut igluliqinikut timiujut. Una iliqatigiikharnik tunihimaarniaqtuq maniliqidjutikharnik pinahuarutit, ajuiqhautikharnik, qaritaujaliqidjutikharnik ajuittiagiikhimajunik ikajuutikharnik nunalaani aulatitihimajunik iglukharnik hanaqidjutikharnik. Akhuurutauluaqtuq qanurittakhanik una havaqatigiingniq piliurningga uumannga Nunalingni Piruqpaalirut (Growth Nunakput) Kiinaujaq (NPF), tunijuq \$1.3 milliat taalamik manikharniq ikajuriami timiqutigijaujut hivumuuqtuq akituvallaangittumik iglukhamut havauhikhat. NPF ihuaqhaqhimajut ikajuriagani timiujut nunagijamingni ihumagijamingnik havaaniklu ahianut. NPF-kut piniaqhimajuq angikliharnikkut akituvallaangittunik igluqpakhanik tamajanik, mikhilaaqtirnikkut aivikhainnikkut,

pipkainikkullu aturutikhanik hailihimajun angikliharnikkut iglukhailliurnikkut aularaanginnaqtunik.

NHC-kut ihuarijailu tamaat-kavamagijaujunut qanuriliurutikhamik ihuaqtumik nunallaani iglukhanut havaakhat ikajuutikhainnik inungnut ikajuqtikhailiurumik inmikkut. Ublumimun Maniktarvikhangit aulatitivakhimajut atautimiitun taima \$425,000 taalamik 8 havaaqharnik uvalu11 amigaitunik havaaqharnik aulaliqtun ihivriuqtauliqtun auladjutikharnikluuniit.

Nunavut Tunngavik Incorporated ukualu Nunavut Katimajiit Nunani Nunatigut Aihimaviinun

Iglukhanut pivalliadjutikhat pidjutiqarniaqtut maniliqtuutikhanut nappaqtirnirmiklu kihimi hailikpata ihuaqtumik nunamik. Talvuuna Nunat Aihimavingit Hanaqidjutikhangit, NHC-kut iliqatigiikhimajut NTIktut Nunavunmilu Katimajiit Nunalaangit (NAM) naunaijajaangat katitigianganiklu naunairutikharnik pigiaqaqtunik nunami hivunirmilu nunami pigiaqaqtunik.

Una \$2.3M havaakhaq maniliqtuqtaujuq imaa Kanatami Akiliktuihimaarlutik Iglungnik Igluligjuatkutlu (CMHC) talvuuna Igluliqinikkut Akigaktuinikkut naunairutiqaqhimajurlu pivalliadjutikharnik auladjutikharnik havaqatigiiktut naunairutikharnik nunami auladjutikharnik, hanalrutikharnik ihivriugianganik nuna pivalliadjutikharnik munagijaangatlu nunami hanaqidjutikharnik. Tamna havaaqhaq iniqtiqtauvakhimajuq Qitiqqautijuq 2023. Talvanga, NHC-kut atuliqtait itirvikhangit atuqtakhallu, tajajujuq Nunannga Hub, uuktuliqtaitlu aturningit naunaijaidjutikhanik naunaijautikhaniklu nunamik hivunirmi inungnut iglukhainik.

Nunannga Ihumaliurniq Nunallaanut Pulaarniq

NHC-kut tuniqhimajut upitpagiagani nunagijaujut igluliqinikut havaanik. NHC-kut pulaaqpaktut nunallaanut Nunavunmi hakugikhivaaliriagani inuuqatiriigutunik ilitaaganilu atuni nunagijaujumi, nunalu upalungaijarniginik, ajuqhautit pivalianiginik hamliujunilu ajuruirutikhanik.



Atauhiq aturniaqtuq qanurilinigit ukua pulaaqtut tikuaqtajut nunanik inuit iglukhainik ihuaqhaqtaujaagani 2024, 2025 uvanil 2026, iingni pivagiagani nunat nunagijaujumluniit upalugaijarniginik ilaguiqhijutit inuqaliriagani hivuani pivaliagiaqtinagit uvani 2027 kinguanilu. Hapkua pulaaqaqtut tunihijut pijakhanik ihuaqtumik uqautiginikkut

mikhaagun nunatigut uvalu iglutigut pivallianikkut ajuqhautit haamlatkunin, tamangnin LHO-kunin uvalu haamlat ihumagijainik.

Nunagijaujumi uqautaujut tikuaqhijut ihumagijauluaqtunik atuliqujaujuniklu pijutaujulu NHC-kuni ihuaqharniganik qanuq pipkainiganik Nunavumi 3000 inuit iglukhainik havaamik. Nunallaanun pulaaqtaqtut pipkaijut NHCkunun uqautigilugit kangiqhidjutit haamlanun ukualu LHO-kut mikhaagun Nunavunmi 3000. Akhuqhainikkut tamajat hapkununga Nunavunmi 3000 auaqtitauhimajuq attautini nunallaani uqautigilugit LHOtkut katimajit uvalu havaktut, ukualu Haamlat havaktiit uvalu Katimajit ilaujut.

Iglukhanut Akikhanut Tutquumavik Manikhat

NHC-kut ihuarijaat 17 hamliujuni Nunavumi tunihijaagani Kavamanut Kanatami Igluliqinikut Kamitiujumik Manikhaakhamik (HAF), pipkaijuq \$27 miliatalamik manikhaakhanik nunagijaujunut ihuaqhivaaliriagani nunat ilituqhariagani igluliqinikut pivalianirmik. Ikajuutait NHC-kut tunivaktun hamlatkunnun pivaktun talvannga 2023 nunallaani agjaqtauvaktunun, talvani NHC-kut tuhaavaktun ajurnaahidjutikkut mikhaagun ujaralianik, nunanik aulapkainikkut angummadjutikhanik, titiraliqinikkut havagutinik, maniliqinikkutlu kiklikhanik nutaanun aulapkaidjutikhanun aallanunlu nunanik pivallialiurnikkut.

NHC-kut, havaqatigiplugit NAM-kut, havaqatigiplugit hamlatkut ikajuqtaujariaqaqtut HAF-kut uuktuutait. Tamna maniktarvikhaq uuktuutikhaq ilitagihimajut qaffiujunik hanaqidjutikharnik aulahimajut talvuuna havakhimajut hanaqidjutikharnik allanguqtiqhimajunik katitiqhimajunik iglukharnik.

Haamlangit, ikajuqtauplutik NHC-kut ikajuutingit ajuitaminiklu NAM-kunnit, nakuujumik pijut munarigiami manikharnirmik. Ikajuriami haamlangit qanuriliurutingit havauhikhat, NAM piliuqhimajuq havaqatigiingniikkut akhuurutit hamlatkut havaqatigiiklutik iniqtirilutik havaakhanik ihuaqtumik iglukhanik.



CRATE
#21

ARV 351399

ARVIAT

ARVIAT T34-18
1475 lbs / 670 kg 27 cu ft / 0.77 m³
CRATE#1 ORANGE MODEL 'C'
Max H 200 - Spacing Inside 210mm (8.27 in.)
Max W 2100 - Spacing Inside 210mm (8.27 in.)
Max L 2100 - Spacing Inside 210mm (8.27 in.)
Max H 2000 - Spacing Inside 210mm (8.27 in.)
Max W 2100 - Spacing Inside 210mm (8.27 in.)
Max L 2100 - Spacing Inside 210mm (8.27 in.)
Max H 2000 - Spacing Inside 210mm (8.27 in.)
Max W 2100 - Spacing Inside 210mm (8.27 in.)
Max L 2100 - Spacing Inside 210mm (8.27 in.)

4-18
34 cu ft / 0.97 m³
CRATE#1 ORANGE MODEL 'C'
Max H 200 - Spacing Inside 210mm (8.27 in.)
Max W 2100 - Spacing Inside 210mm (8.27 in.)
Max L 2100 - Spacing Inside 210mm (8.27 in.)

372

Qanuriliurutikhat Upalungajautikhat

Naunaijaangat NHC-kut kiujukhat OAG-kut unniudjutat nalvaaqhimajainik ihuaqtumiklu hivunikharnik pidjutikharnik, tamna Qanuriliurutikhat Upalungajautikhat pivalliajauniaqtun aulatitinaqtunlu ihuaqhaidjutikharnik nunalaani iglukharnik

Improving Public Housing Delivery

GOAL 1 NHC will support Nunavummiut to have equitable access to suitable public housing

ACTIONS



Improve application rating process



Develop standardized approach to waitlists



Align unit allocations with key legislation, policies, and agreements



Reflect accessibility needs in unit design



Support allocating housing units equitably



Document accessibility features of units

GOAL 2 NHC will continue to manage and improve the adequacy of public housing

ACTIONS



Improve asset management



Improve preventative maintenance of units



Support LHOs to meet their obligations

GOAL 3 NHC will implement Nunavut 3000 and improve related reporting

ACTIONS



Improve reporting on Nunavut 3000



ᓄᓇᓇᓇᓇ ᓄᓇᓇᓇᓇᓇᓇᓇᓇ
NUNAVUT HOUSING CORPORATION
LA SOCIÉTÉ D'HABITATION DU NUNAVUT
NUNAVUNMI IGLULIQYIRYUAT

auladjutikharnik.

NHC-kut uqatiaqtut atulirninganik apluriarutitik pivikhaqarninginiklu atuni qanuriliurutikhat. Munaridjutikhat upalungajautikhat piluqtauhijajuq havauhirilluaqtanut naunajautit ikajuutikhanik angitqijjanik takunaqtunik imatullu pipkarlugit NHC-kut ihuaqtumik tuhaqtitidjutikhanik aullaninganut ihuaqhautikhanik pitquajauhijajunik OAG-kut unniudjutainik.

Hapkua titiraqhimajut tunihijut hivumut naunaijaqhimajut tikinahuarutinun, hulidjutit, kiklikhait uvalu atulingnikkut atugahat uvani Qanuriliurutikhat Upalungaijautikhat. NHC-kut naunaiqhijut pingahunik tikinnahuaqtakhainnik nallaumajunik pingahunut tamainut ihivriuqhijit nalvaaqtainut.

Tikinnahuarumajat 1



NHC-kut ikajurniaqtait Nunavunmiut ihuaqtumik pivikhainnik ihuaqtunik inungnut iglukhainnik

Qanuriliurutikhaq 1: *Ihivriurlugu naunaijainirmut qanuriliurutingit atuqtaujuq hivulliutijakhaq inungnut iglukhanginik tuniqhainiq ihuaqhigiamilu qanuriliurutinga havaangalu naunaijariami inungnut iglukhamut uuktuutit.*

Kikliqhaqaqtut: 12-18 tatqiqhiutini

Atulirnikhanut Qanuriliurutikhat:

- Piliurluni akhuuqtumik havaakhamik havaqatigiiktut ihivriuriami nutaanguqtiriamilu naunaijainirmut qanuriliurutingit (PRS) piliurninnga, atugakhat, maliktakhangillu, ihariagijaukpat.
- Uqaqatigilugit hivulliit-havaktit imaalu pidjutiqaqutut ajuiqhattiaqhimajut kangiqhijaami aktuutaujut tadja PRS.
- Tunnganiqaqhuni miitirutini, NHC-kut ihivriurniaqtait piniarungnaqhijunik pimmarikharutikhanik uumunga PRS-kunnun akhuuqhainnikkut nakuujunik aajjikkiiktipkainikkullu.
- NHC-kut ikajurniaqtait LHO-kut atulirnikhanut PRS aturlugu nutaaq Piqutinik Munaridjutikhat Qaritaujakkuurutit iluani 18-24 tatqiqhiutit.
- Tunijut havaktut ajuiqhainiq havaklunilu qanurittakhanik-ihuaqtumik ihivriurniq ikajuriami ihuaqtumik aturninnga.
- Aturlugit auladjutikhangit nuutaangujut Nanminiqaqtunik Munagidjutikharnik Qaritaujaliqidjutikharnik munagijaangat ihivriugianganiklu uuktuutikhangit ihivriudjutikharnik talvuuna nallautiqhimajunik.



Qanuriliurutikhaq 2: *Amigairjuumilugit ikajuutit munarilugillu Nunallaami Iglulijitkut (LHO-kut) tuniqhaidjutait inuit iglukhainik ikajuutikhanik ihuaqtunik kavamatkut maliruagakhanik, atugakhat, havauhikhainnik imaalu Aulapkaajit Angirutait tamainni Nunallaami Iglulijitkut (LHO-kut) NHC-kullu.*

Kikliqhaqaqtut: 12-18 tatqiqhiutini

Atulirnikhanut Qanuriliurutikhat:

- Tunihimaarlugit amigaitunik amiqhidjutikharnik ajuiqhautikharniklu ikajuutikharnik LHO-kut pihimajaangat ihuaqtumik iniqhimajunik titiqanik nunalaani iglukharnik tunijaujukharnik talvuuna nuutirnikkut nuutaamik Nanminiqaqtunik Munagidjutikharnik Hanaqidjutikharnik.
- Ihivriurlugu nutaanguqtirlugulu nutaq Atan'ngujap Angirutinga ihariagijaujunut aadlangurninnganut.
- Ihivriurhugit, ihivriurtaulutik uvalu naunaijaqhugit nuutirnikkut.
- Aturlugit auladjutait iluani nutaami Piqutini Munarinikkut Auladjutait nakuutqamik munagijaangani uvalu naunaijarlugit nuutirnikkut.



Qanuriliurutikhaq 3: *Ikajurlugit Nunallaami Igluliqijitkut (LHO-kut) tunihilutik maliktakhanik imaalu naunaittiaqhimagunik tuhapkaidjutikhanik ihuaqhautikhanik tukhiutinik tadjja iglumik atuqtunit taffumanga nutaat iglumik atuqtup uktuutait ihuaqhijuumiutikhanik ihuaqtumik tuniuqhaidjutikhanik iglukhanik.*

Kikliqhaqaqtut: 12-18 tatqiqhiutini

Atulirnikhanut Qanuriliurutikhat:

- Tunilugit tunngavikhamik maliktakhaniklu LHO-kut hapkuninga:
 - Ilituqharnigit atuqaaqhimagjutlu uktuutit nuuniginik nutaalu hiniktavikhat ikajuqturiagani ihuaqtumik, takuukhautiariagani, ajikiiniklu iglukhat tuniuqhagajut
 - Hivulijukhat aktilaangit qitqani nuutirnikkut uktuqtut, ilaujut tapkua piumajut nuutirlugit aanniaqtailinirmun qajangnautinunlu qanuriniit, ihuaqhijuumirlugit pijaarnirit uvalu/uvaluuniin qilamiurnikkut angijuluuniin ihuaqhaidjutikhat tapkua pijariaqaqtut inuittut iglukhat.
 - Nuutiqtiniq Kanatami Inuqaqtunut Maliktakhat iglukhat ihariagijaujut angiklijuumiriami aturningga inungnut iglukhanganik.
- Pivallialutik aadjiliugait LHO-kut atuqtanginik



Qanuriliurutikhaq 4: *Piliurluni ihuaqhaqhimagjut qanuriliurutingit inungnut iglukhanginnut utaqqijut tamainni nunallaani aturluni nutaq Piqutinik Munariniq Qanuriliurutingit, ilaliutigiami naunaitkutaq Iniririinut inungnullu ihariangijut piinariaqihimaniq ihuaqhainiq.*

Kikliqhaqaqtut: 18-24 tatqiqhiutit

Atulirnikhanut Qanuriliurutikhat:

- Ihivriurlugu ihivriurlugulu ittut aadjikutaliurninnga tunngavinga Inungnut Iglukhanganut utaqqujut. Kangiqhidjutit ilaujukhat naunaijautit pijaangini iglunik ihariagijaujut, ilaujut kangiqhidjutit Iningnikhanun uvalu inungnun pijariaqaqtut pijaangnikkut ihuaqharniitigut.
- Uqaqatigilugit hivungani havaktut uvalu pidjutiqaqtut ajuittiaqhimajut qiniqhialutik uqagahamingnik aadjikiiktumik upautinirmik.
- Pihimajunik ajuukiktuinikmun, NHC pilutik aullaktikgutikhaliuklutik aah adjikiktunik upidjutikhanik ilitukgijauvaktunik nunalingni kauhimagjauvaktunik ihaagiahutigijauvaktunik imalu avaakukgutaujukhanik tamainik nunalingni.



***Qanuriliurutikhaq 5:** Ihivriurlugit pijaarnirit ihariagijaujut inungnun iglukhaitigut uuktuqtut uvalu ihumagilugit hapkua ihagiagijaujut iglunik ihuaqhainikkut upalungajautit uvalu hivungani igluqpinikkut*

Kikliqhaqaqtut: 18-24 tatqiqhiutit

Atulirnikhanut Qanuriliurutikhat:

- Tunilugit havaktakhanik havaqatigiit havaklugit qaritaujaliqutit ihivriuriangini tadjajaujut pijaulimaitut ihariagijamingnik Inirnikhat uvalu inuit inuujut ajuqhautiqaqtunun.
- Naunaijaijaangat aulatitijaangatlu hanaqidjutikharnik naunaijaijaangat, munagidjutikharnik ihuaqhaidjutikharnik hiniktarkharniklu tukhiqtauhimajut nunalaani.
- Ihivriurlugit tuniuhautait pittaqaqtunut ajuqhautinullu-piqangittumik inungnut iglukhait ikajuutikhainnik nallaumajunik Munaqhaidjutikhanut Angirutaanut.



***Qanuriliurutikhaq 6:** Titirarlugit qanuriniit tamaita pijaarnirit uvalu ajuqhautit-piqangitut inuit igluit NHC-kut naunaijaidjutait ikajuutikhat aadjikiiktumik nuutirmimun inungnun iglukhait hapkua qanuriniit*

Kikliqhaqaqtut: 12 tatqiqhiutit

Atulirnikhanut Qanuriliurutikhat:

- Havaklugit qaritaujaliqiviit ihivriurlugit inungnun igluinun naunaijainikkut naunaijagiangani tamaita iglut pittaarnikkut pidjutiqaqtut, ilaujut ajuqhautit-piqangitumik iglut.

- Iliuraqhimmaarlugu nutaaq Munariniit Timiqutigijangillu unalu titirarlugu qanurittakhanik tamaita piinariaaqihimajut unalu ajuqhautingit piqalluangittuq inungnut iglungit uumani tutquumavingit.
- Naunaijarlugit tamaita atulaaliriagani ihuaqhautit inuit iglukhainik

Tikinnahuarumajat 2

NHC-kut munarihimmarniaqtait ihuaqhijuumirlugillu ihuarningit inuit iglukhainnik



Qanuriliurutikhaq 7: *Nakuuhivalliarlugu munaridjutit ihivriurutinutlu inungnut igluqhainnut talvuuna nakutqiangniqhatigut naunajautiqhanut munarinikkut hapkunanilu naunaiqhilitutik ilaudjutigilugitlu igluqpait naunajautait, nalvaaqhilitutik qanurinmangaagit igluqpait, pittaarnikkut, hanajanikkut hulidjutait, akiliktuinikkut iglumun naunajautait nanminikkutlu ikpigijaujut.*

Kikliqhaqaqtut: Havaakhaq I - 12 tatqiqhiutit; Havaakhaq II – 12 hamunga 24 tatqiqhiutit

Atulirnikhanut Qanuriliurutikhat:

- Tamna ikajuutikhaq tukhiqtauhimajut pittailijaangatlu ihuaqhaidjutikharnik pinahuarutit nunaqarniaqtun tamaini 25 nunalaangit talvuuna ukiakhaliqan 2026mi.
- Aadlamik ilihaidjutikhat, unalu piqutin ihumaliurniq unalu pauwaqtuutimut nungulaittullu ihumagijaujuq iniqtiqtauniaqtuq ukiakhami 2027.
- Ihuaqtunik atuqpiarutikhanik havauhikhainik, naunaitkutikhanik naunaitkunmik imaalu ilihautikhainnik upalungajautikhat NHC-kunut ukuallu Nunallaami Igluliqjittkut (LHO-kut) havaktingit piliuqtauhimajut ikajuutikhanik ilihagtakhat iniqtirilutik.
- Katitirlugit havaakhat havaqatigiiktut ikajurlugit uvalu ihuaqharlugit havauhiit haffumunga ilihainikkut aulaqtitinikkut.
- Tuniqhainiq nampanik ihivriuqtinga ikajuriami nampanik piiqtaujuq uumangga ilitquhingit qanuriliurutingit, unniudjut piliurninnga unalu nampangit ihuaqtuq.
- Tuniuqhailutik qitqanut qaritaujakkut titiqilvianik tuniuqhaidjutikhanik atuqtakhanik imaalu ajuiqharvikhanik naunaitkutikhanik, imaalu unniudjutikhanik ihumaluutaujunik imaalu tukhiutit naunaitkutikhanik.
- Pihimaluni hitamahuiqtuqhuni tatqiqhiutit qaritaujakuugutiqhanik ajuiqhaivikhainnik havaktiinnut atuqtiinnut.



Qanuriliurutikhaq 8: Aulahimaaqtumik havaqatigilugit LHO-kut katimaqatigilugit inmi pijakhatik ataani Inmikut Angirutit

Kikliqhaqaqtut: 12-18 tatqiqhiutini

Atulirnikhanut Qanuriliurutikhat:

- Ihivriurlugu nutaaq naunaipkainirmut uqariijaqtamingnik uumani Atan'ngujap Angirutinga ihuaqhilugulu ihariagijaujuq.
- Ikajuqhimmaarlugu LHO-kut pigiami pitqujauhijamajut uumannga Atan'ngujat Angirutinga.
- Tukhirautit, katitirlugit uvalu iniqtirlugit iliniaqtuk aktilaangitigut ihivriurutait tamaita upalungaijautit uvalu qanuginiit unniudjutit.



Qanuriliurutikhaq 9: Ihuaqhijuumirlugu titiraq uvalu munagidjutit pittailinikkut ihuaqhaidjutit inungnun igluinun

Kikliqhaqaqtut: 12-24 tatqiqhiutit

Atulirnikhanut Qanuriliurutikhat:

- Pihimablugit havagvikjuat-atuqtaujuq, talimat ukiut himauhiqataaqtut aulaniit tamatkiumajut igluqpait qanuginiit ihivriurutit (BCAs), uvalu titirarlugit BCAnigit uvani Ihuaqhainikkut Munagidjutikkut Auladjutit
- Aulatitihimmaarlugu uqungniq naunaijainiq unalu uqungniq ihuaqhaininnga, ihariagijaukpat, ikiklijuumiriami kitut aaniaqtailinirmut qajangnautingit.
- Pittailitikhat munaqhidjutikhangit hulipkaidjutikhat ihuaqhaqtauhungujut haililutiklu atan'ngujanut amiqhinnikkut upalungaijautikhaniklu pidjutiqaqtunik, ihuaqtumik aturnikhanik atuqtakhanik, nallaumajunik naunaitkutikhanik iliurarvikhanik, imaalu munaqhidjutikhainik atuqpagainik.

Tikinnahuarumajat 3

NHC-kut atuliqtitiniaqtut Nunavut 3000 ihuaqhijuumirlugillu pidjutiqaqtut unniudjutikhat



Qanuriliurutikhaq 10: Ihuaqhihimmaarlugu naunaittumik aadjikutarijaillu qanurittakhanik naunaipkainiq Nunavunmut 3000 tuniluni qaffiujut iglukhat iniqtiqtaujuq uumaniluuniit igluqpiliurniq taimaa aullaqtirutinganit 6th Maligaliurvik Hikutirvia 2021 aturluni pingahuujunit ilaujunit nampangit uumannga Havagvinga Atan'ngujalluaq Igluqpanga Havaktinga (OCBO).

Kikliqhaqaqtut: Aullaranginaqtumik

Atulirnikhanut Qanuriliurutikhat:

- Naunaijarlugit iglutigut kihigtitautit unniudjutaujut hapkunanga Nunavunmi OCBOkunin.
- Ihuaqhijuumirlugit naunaijaqhimajut uvalu ihuangniit qanuriniit unniudjutit, ilaujut tungaviit qujaginaq hivungani ihuaqhaidjutit igluqpinikkut turaarutait nunallaanin.

Munaridjutikharnik Aulatitiniq

Ikajugianganik tautuminaqtunik ihuaqhaidjutikharnik kiudjutikharnik, munagidjutikharnik upalungairutikharnik havakhimajuq nallaumajunik hanaqidjutikharnik naunaijagiikhimajut talvani Qanuriliurutikhat Upalungaijautikhat. Attautit hulidjutit, havauhirilluaqtanut naunaijautit naunaijaqhimajut ikajuutikhat NHC-kut munaridjutikhainun qanuriniit.

Hivunikhaq 1: NHC-kut ikajurniaqtait Nunavunmiut ihuaqtumik pivikhainnik ihuaqtunik inungnut iglukhainnik

Qanuriliurutikhaq 1: Ihivriurlugu naunaijainirmut qanuriliurutingit atuqtaujuq hivullitijakhaq inungnut iglukhanginik tuniqhainiq ihuaqhigiamilu qanuriliurutinga havaangalu naunaijariami inungnut iglukhamut uuktuutit.

Qanuriliurutikhaq 1 Havauhirilluaqtanut Naunaijautit:

- Qaffiit LHO-kut uuktuutainik ihivriuqtauvaktut naunaijaqtaublutiklu naunaijainirmut qanuriliurutingit nalaumaninganik NHC-kunit
- Qaffiuniit LHO-kut iniqhihimajut naunaijainirmut qanuriliurutingit ajuiqhavikhainnik

Qanuriliurutikhaq 2: Amigaigjuumilugit ikajuutit munarilugillu Nunallaami Iglulijitkut (LHO-kut) tuniuqhaidjutait inuit iglukhainik ikajuutikhanik ihuaqtunik kavamatkut maliruagakhanik, atugakhat, havauhikhainnik, imaalu Aulapkaijit Angirutait tamainni Nunallaami Iglulijitkut (LHO-kut) NHC-kullu.

Qanuriliurutikhaq 2 Havauhirilluaqtanut Naunaijautit:

- Pusantinga atauttimut ihivriuqtauhimajut LHO-kut tuniuqhautait nallaumajut NHC-kut maliktakhait
- Qaffiit ihuittut tuniuqhajutinik ihumaliurutinik ilituqhagaujut
- Qaffiuniit LHO-kut iniqtirivaktut ajuiqharutikhanik tuniuqhainikkut

Qanuriliurutikhaq 3: Ikajurlugit Nunallaami Iglulijitkut (LHO-kut) tunihilutik maliktakhanik imaalu naunaittiaqhimajunik tuhapkaidjutikhanik ihuaqhautikhanik tukhiutinik tadsa iglumik atuqtunit taffumanga nutaat iglumik atuqtup uuktuutait ihuaqhijuumiutikhanik ihuaqtumik tuniuqhaidjutikhanik iglukhanik.

Qanuriliurutikhaq 3 Havauhirilluaqtanut Naunaijautit:

- Tuhaqtipkainikkut maliktakhaniklu titiqqanik tunihimajun LHO-kunnun
- Qaffiuniit NHC-kut havaktiit pulaaqtaqtut nunallaanun ilihariangini LHO-kut

- Pusantinga ihuaqtumik najugaqaqtukhat igluqaqtunik (iglunik atuqtunik) talvuuna atautimiitun nampangit aulahimaanginaqtun atuqtauvakhimajut iglut

Qanuriliurutikhaq 4: Havaklugit ihuaqhaqhimajut upautidjutit inungnun igluinun nutaquiqtut tamaini nunallaani atuqhugit nutaat nanminiaqtut munagidjutikkut qaritaujaliqutit, ilaulugit kangiqhidjutit Iningnikhanun inungnunlu pijariaqaqtut pijaangnirmun ihuaqhaqtaulutik.

Qanuriliurutikhaq 4 Havauhirilluaqtanut Naunaijautit:

- Qaffiuniit nunallaat nutaquiqtut ihuaqhaqhimajut aadjikiilirlugit upautidjutit titiraqhugit pijaarnirit ihariagijaujut Inirnikhat uvalu tapkua pijaangnikkut ihagiagijaujut

Qanuriliurutikhaq 5: Ihivriurlugit pijaarnirit ihariagijaujut inungnun iglukhaitigut uuktuqtut uvalu ihumagilugit hapkua ihagiagijaujut iglunik ihuaqhainikkut upalungaijautit uvalu hivungani igluqpinikkut

Qanuriliurutikhaq 5 Havauhirilluaqtanut Naunaijautit:

- Qaffiuniit iglunik atuqtut (ilaujut Inirnikhat uvalu inuit inuujut ajuqhautiqaqtut) pijaangini ihagiagijaujut
- Qaffiuniit atuqtaujut iglut pittaarnikkut tautungnaqtut naunaijaqhimajut
- Qaffiit nutaat inuit iglukhainik hanajauhijamajunik pivagiagani ihariagijaujut

Qanuriliurutikhaq 6: Titirarlugit qanuriniit tamaita pijaarnirit uvalu ajuqhautit-piqangitut inuit igluit NHC-kut naunaijaidjutait ikajuutikhat aadjikiiktumik nuutirnirmun inungnun iglukhait hapkua qanuriniit

Qanuriliurutikhaq 6 Havauhirilluaqtanut Naunaijautit:

- Qaffiuniit atuqtaujut iglut pittaarnikkut tautungnaqtut naunaijaqhimajut
- Qaffiuniit iglunik atuqtut pijaulimaitut ihagiagijamingnik

Tikinahuarutit 2: NHC-kut munarihimmarniaqtait ihuaqhiuumirlugillu ihuarningit inuit iglukhainnik

Qanuriliurutikhaq 7: Nakuuhivalliarlugu munaridjutit ihivriurutinutlu inungnut igluqhainnut talvuuna nakutqiangniqhatigut naunaijautiqhanut munarinikkut hapkunanilu naunaiqhitilutik ilaudjutigilugitlu igluqpait naunaijautait, nalvaqhitilutik qanurinmangaagit igluqpait, pittaarnikkut, hanajanikkut hulidjutait, akiliktuinikkut iglumun naunaijautait nanminikkutlu ikpigijaujut.

Qanuriliurutikhaq 7 Havauhirilluaqтанut Naunaijautit:

- Qaffiit nunagijaujut atuliriginik atauhirmik ajuiqhanirmik Munarinigagut Munarijutinik ihuaqutinik atuliqhimajut
- Qaffiit nunagijaujut aturlugit malruuk ajuiqhajutit Munarinigagut Ihuaqutinik atuliqhimajut
- Qaffiuniit LHO-kut havaktiit ajuiqhaqhimajut ihuaqhainikkut Munaridjutit qaritaujaliqutit

Qanuriliurutikhaq 8: Aulahimaaqtumik havaqatigilugit LHO-kut katimaqatigilugit inmi pijakhatik ataani Inmikut Angirutit

Qanuriliurutikhaq 8 Havauhirilluaqтанut Naunaijautit:

- Qaffiuniit LHO-kut maliqajut unniudjutinun pijakhat
- Qaffiuniit LHO-kut ilauhimajut ajuiqhavikhainnik talvuuna Atan'ngujat Angirutikhanut havaktakhat

Qanuriliurutikhaq 9: Ihuaqhijuumirlugu titiraq uvalu munagidjutit pittailinikkut ihuaqhaidjutit inungnun igluinun

Qanuriliurutikhaq 9 Havauhirilluaqтанut Naunaijautit:

- Qaffiit ujaraktat ilituqhagaujut hatqiqtaujut
- Qaffiit igungnik kiklimaktirijutit havaarijaujut
- Qaffiit nunagijaujut atuliqhimajut munarijutinik ihuaqhautinik munarinigagut munarijutinik ihuaqutinik

Tikinahuarutit 3: NHC-kut atuliqtitiniaqtut Nunavut 3000 ihuaqhijuumirlugillu pidjutituaqtut unniudjutikhat

Qanuriliurutikhat 10: Ihuaqhihimmaarlugu naunaittumik aadjikutarijaalu qanurittakhanik naunaipkainiq Nunavunmut 3000 tuniluni qaffiujut iglukhat iniqtiqtaujut uumaniluuniit igluqpiliurniq taimaa aullaqtirutinganit 6th Maligaliurvik Hikutirvia 2021 aturluni pingahuujunit ilaujunit nampangit uumannga Havagvinga Atan'ngujalluaq Igluqpanga Havaktinganit.

Qanuriliurutikhaq 10 Havauhirilluaqтанut Naunaijautit:

- Qaffiit inuit iglukhainik hanajauniginik nunagijaujumit ukiumi
- Qaffiuniit inuit igluit iniqtaujut nunallaatigut ukiuq

- Titiraqhimajut qanuq NHC-kut naunajailiqtut qanuriniit mikhaanun Nunavunmi 3000

Hivumuurnikkut

NHC-kut qujagijait OAG-kut havakpaktainnik ihivriuqhinirmi ilihimaplutiklu ihariaginirmik pimmarikharnikkut inungnun igluqpakhanik tamaani Nunavunmi. NHC-kut tuniqhimajut atuliriagani Upijutunik Upalugaijaut tamaitalu qulit OAG-kut atuliqujainik havaqatigivlugit LHO-kut ikajuqtiriit ikajuqtuqlugilu nunagijajut tikuaqhijaagani ihuaqtumik nunagijajumilu qaujipkaqhimajunik ihuaqhautinik.

Qanuriliurutikhat Upalungaijautikhat
atuqtaulirniaqtut qanuriliurutikhanik,
amigaitqijait qanuriliurutikhat iniqtaujut iluani
12-18 tatqiqhiutit imaalu atuqtaujut atuliqtaujut
18-24 tatqiqhiutini. Tamainni una havauhiq,
NHC-kut hivulliutiniaqtait hakugitqijait
tuhapkaidjutikhat, kiunnaqtunik imaalu
takunnaqtumik.



Qanuriniit munarijauniaqtut atuqhugit
havauhirilluaqtanut naunaijautit titiraqhimajut munaridjutikkut upalungaijautini,
inungnun nutaanguqtiquhimajut tuhaqtitaujut ukiuq tamaat pijaangini Nunavunmiun
kangiqhipkaqtaujut uvalu ilaulutik.